



सानसेयारि "बड'सा" खरीरालाइयाव समाज्यादि जिज्जो लोखा थानाय रायथाय, खन्थाय, सल', सल'बाथा आरु दावबायारि थावनि, पार्क बाइदिनि बाथाय लिहनाय लिहबिबां दैथाय डर/ सानसेयारि "बड'सा" खरीरालाइया वेबसांनानै फोखावगेब।

बड'सायाव लिहहरनायनि हुबा खालाम, "बड'सा" खरी नोथि, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 25 February, 2024 Kokrajhar, BTC, Assam ★ Vol.-33, Issue No.327 ★ R.N.I. Regd.No.40994/91, Assam Govt. Regd.No.IPRD.40/2006/3, ★ Rs.8/-

खाब्रां गोरा बसुमतारिनि 3थि बोसोरारि थैनाय सान फालिदों



कक्राझार, 24 फेब्रुवारी: रूसारि खाब्रां गोरा बसुमतारिनि दिने थामथि थैनाय सान। मोनसे समाव बड'लेण्ड सोमावसारनायनि गोखों मावथि, दैनेगिरि आरु कक्राझार जिल्ला एबसुनि बारग' नेहाथारि खाब्रां गोरा बसुमतारिनि थामथि बोसोरारि थैनाय सान फालिनाय जादों। कक्राझार जिल्लानि कचुगाव दख'रानि सिडाव (□ 5 बिलाइआव)

पेट्रलियाम खाम मुवा दोन्थुमग्रा बाख्रि आरु संग्रा गेस बटलिं प्लान्टनि हा फुजा होदों

बासुगाव, 24 फेब्रुवारी: चिरां जिल्लानि बासुगाव सोहोरनि साखाथि कमारदांगायवा बायबो हास्थानाय हिन्दुस्टान पेट्रलियामनि 540 कौटि रानि पेट्रलियाम खाम मुवा दोन्थुमग्रा भान्दार आरु संग्रा गेसनि बटलिं प्लान्ट हा फुजा होनाय हाबाफारि खुंदों। गासै 238 बिघा हायाव 540 कौटि रानि पेट्रलियाम खाम मुवा बाख्रि आरु संग्रा गेसनि बटलिं प्लान्टनि हा फुजा होनाय हाबाफारियाव राज्ज्यो सभानि एमपि रोनागोर नाजरीजों लोगोसे बिटिआरनि माखासे (□ 5 बिलाइआव)



लकसभा बिसायख 'थियाव गनायथिजायै धोन बाहायनायखौ होबथानाय जागोन: राजिब कुमार

गोदान दिल्ली, 24 फेब्रुवारी: फेगो लकसभा बिसायख 'थिनि साखा-फार जानायखौ मिबथिना लानो दिने शनिबारखालि भारतनि गाहाइ बिसायख 'थि कमिसनार राजिब कुमारआ तामिलनाडुयाव दावबायफेयो। बे समाव नो चेंनाइयाव खौरंगिरि मेल खुंनानै बिथाड बुंदोंदि, राजखान्थियारि दोलोफोरबो बिसायख 'थिनि मेनु 'पेस्ट्याव बाथा होनायनि मोन्थाय दड। बेखायनो भटारफोरबो दोलोफोरनि बाथा होनायफोरखौ सुफुंथाय मोनायनि सोमोन्दै मिबथिना लानायनि आबु मोन्थाय दड। बे समाव गाहाइ बिसायख 'थि कमिसनारआ एनफर्समेन्ट एजेन्सिफोरखौ सांग्रा जाना थानो आरु नोगोद धोहोन एबा नगद रां गथायनायखौ बन्द' खालामनोबो बिथोन होदों। बिथाड बुंदोंदि, तामिलनाडुनि बांसिन राजखान्थियारि दोलोफोरनो मोनसे खोलोबयाव बिसायख 'थि खुंनानयनि दाबि खालामदों। बिसायख 'थि आयगआ जोबोद (□ 5 बिलाइआव)



उदालगुरियाव मिरु बर 'थुनलाइ आफादनि 64थि बोसोरारि जथुम्मानि बान्जाय आफादखौ दाफुंबाय

मिरु बर ' थुनलाइ आफादनि 64थि जथुम्मायाव हादतनि गाहाइ मन्थि नरेन्द्र मदिखौ हांखाइनो थियारि: बिस्वजित दैमारि

उदालगुरि, 24 फेब्रुवारी: सोलिफु बोसोर 2024 इ माइथायनि थानाय 19, 20 आरु 21 जानुवारी खालाराव सानथामनि हाबाफारिजों कामरुप जिल्लानि बक' गान्धी मैदान समन्य क्षेत्रआव सानथामनि हाबाफारि लानानै मिरु बर ' थुनलाइ आफादनि 63थि बोसोरारि जथुम्माया मोनसे मेहेरगोनं हाबाफारिनि गेजेरजों खुफुंजादोंमोन। बे बायदिनो



फेगो 2025 माइथायनि जानुवारी दानाव मिरु बर ' थुनलाइ आफादनि 64थि बोसोरारि जथुम्माखो उदालगुरि जिल्लानि डिमाकुचि बाथाबारि, थाराइबारि गेवलां फोथाराव गाजा-गोमजायै खुंनो थाखाय दिने बान्जाय आफाद दानाय गेवलां मेल खुंनय लानाय जायो। बर ' हरिनि गेदेमा दैनेगिरि आरु जिल्ला, ओन्सोलनि गोबां (□ 5 बिलाइआव)

खामारदैसाआव मिरु रुपामनि बाथौ जथुम्मा खुंदों

धोरोमआ सुबुंथियारि अनलायनायनि सानस्त्रिखौ गोखों खालामो : हाग्रामा महिलारी

भवानिपुर, 24 फेब्रुवारी: "बाथौ धोरोमनि गोनाथि दड'। बाथौ धोरोमा बर'फोरनि गुबै धोरोम। गोथार बाथौ धोरोमआ बर'फोरनि गुबै धोरोमब्लाबो गासैबो हारि-माहारिफोरा बे धोरोमखौ आजवोनो हायो। धोरोमा सुबुंथि गुननि बिगोमा जानो फोरोडो। धोरोमआ अन्यायनि सानस्त्रिखौ गोखों खालामो।" बे बाथाखौ बुडो बिटिसिनि बारग' गाहाइ खुंगिरि हाग्रामा महिलारीआ। दिने



बाक्सा जिल्लानि सालबारि महकुमानि सिडाव थानाय खामारदैसाआव खुंनय रुपामनि बाथौ धोरोमनि 44 थि मिरुआरि

राजेत जथुमाव साउतालफोरखौ थगायनायनि अजद दैखांदों दुलाराइ साउताल फरायसा आफादआ

गसाइगाव, 24 फेब्रुवारी: आसामाव जिउ खुंनोनाय साउताल हारिनि फरायसाफोरखौ सोलौंथाइ बिथिडव दावगाहोनो दुलाराइ साउताल फरायसा आफादआ जोनोम मोन्नाय समनिफ्रायनो बायदिसिना रोखेमनि हाबाफारि खुंदों। साउताल हारिनि फरायसाफोरनो गुदि थाखोयाव गावनि बिमा रावआव सोलौंथाइ होनायनि मोन्थाय होनायनि सोलायै (□ 5 बिलाइआव)

बिसिया ओंखाम खुरना होयैनि फिसाइआ से खावसे दाननि खुदियाखौ बुथारदों



कक्राझार, 24 फेब्रुवारी: बिसिया ओंखार खुमानानै होयैनि थाखायनो जो फेनाय फिसाइआ से खावसे दाननि खुदियाखौ बुथारनानै फबना दोन्नाय जाथाया ओन्सोलनाडे सोमावगुंनोहोदों। मिबथिनो मोन्नाय बादिब्ला, सुबुं समाजखौ लाजिफोनानाय बे जाथाया कक्राझार पुलिस थानानि सिडाव थानाय दाल'वाबारि पात्रालाइन गामियाव सोमजिदों। (□ 5 बिलाइआव)

115 थि माघी पुर्निमा आरु 16 थि स्वरुप रिट्टि फोसावदिं संसदनि जथुम

तामुलपुर, 24 फेब्रुवारी: तामुलपुर जिल्लानि सिडाव थानाय सेसापानियाव सान्नेनि गेदेर हाबाफारिजों सा-सान्जा आफादनि स्वरुप रिट्टि फोसावदिं संसदनि बान्जायनायाव खुंजानाय 115 थि माघी पुर्निमा आरु 16 थि स्वरुप रिट्टि फोसावदिं संसदनि जथुम्माया दिने जाफुंसोरे खुंजालाडे। जिल्लानि सिडाव थानाय कुमारिकातानि सेसापानि गोजौ फरायसालिनि गेलेग्रा फोथाराव मैया 23 आरु दिने 24 फेब्रुवारीयाव सान्नेनि गेदेर हाबाफारिजों खुंजानाय बे हाबाफारियाव ब्रह्म समाजनि



माखासे धोरोमारि हाबाफारिफोरखौ खुंनयजों लोगोसेनो सुबुं समाजनि गोजोन-सुखुनि थाखाय हम यत्त

सावनाय हाबाफारि खुडे। बे अखन्द यत्तआव बाहागो लाफेदों आसाम आइन आफादनि बुंथियारि बिस्वजित दैमारि, बिटिआरनि बुंथियारि कातिराम बर', मावफुं सोद्रोमा रेन्द नाजरी, बान्जाय आफादनि आफादगिरि आरु बिटिआरनि दरडजुलि गौथुमयारि बियाबनि एमसिएलए बिजित गोरा नाजरीमोनहा। दिने जोबथा साननि हाबाफारियाव फुनिफ्राय गुबुन गुबुन जिल्लानिफ्राय फेनाय रेजा-रेजा सिबियारिफोरा अखन्द यत्तआव बाहागो लादों। हाबाफारियाव ब्रह्म समाजनि आसारखान्थि आरु सुबुं धोरोमनि सोमोन्दै गुवारै सावरायलायनो थाखाय बे थावनियाव मोनसे गेवलां मेल (□ 5 बिलाइआव)

लुफुंजानाय मावथाखिफोर बेखेवदों एम सि एल ए सन्जय स्वर्गियारिया हरिसिडयाव गोदाने लुफुंनय जिरायसालि न' बेखेवदों



उदालगुरि, 24 फेब्रुवारी: उदालगुरि जिल्ला बिटिसि बियाबनि सिडाव थानाय 36 नं हरिसिड बियावआव थानाय बिटिसि बिसायख 'थियाव खोथा होनाय बायदियै जायगानि एमसिएलए सन्जय स्वर्गियारिया बिटिसि हान्था-मैला बिफाननि रां शुबिलजों हरिसिड हाथाइसालियाव राइजो-राजाफोर जिरायग्रा गोदाने लुफुंजानाय न'खौ बेखेवनानै होयो। (□ 5 बिलाइआव)

कक्राझार आरु अन्थाइबारिआव 514 थि महाबीर चिलाराय सान फालिदों

कक्राझार/गसाइगाव, 24 फेब्रुवारी: "गोलाव बोसोरनिफ्राय एसटि दाबिबोनयनि उनावबो कच-राजबंशि हारिखौ सरकार गले-गले थगायबोनयखौ जो फेगो बिसायख 'थियाव फिनजाथाय होगोन।" बे बाथाखौ बुडे बिटिआर कच-राजबंशि सन्मिलनीआ। मख'नो गोनांदि, दिने बिटिसि सदर कक्राझारआव बे बाथाखौ बुनानै बिटिआर कच-राजबंशि सन्मिलनीनि आफादगिरि लक्षिन्द्र रायआ कच-राजबंशिनो एसटि होनायनि सायाव गोनांथि होयै सरकारनि



हंथायै खुदियाखो। सानसेनि हाबाफारिजों 514 थि महाबीर चिलाराय सान फालिनानै हारिनि गोलाव समनि दाबिखौ सुफुंनो होयैनि थाखाय फेगो लकसभा बिसायख 'थियाव बेनि

फिनजाथाय होनो समाय खिरा लायो। खोंरं बिजोंनि सिगाडव आफादगिरि रायआ कच-राजबंशि हारिनो एसटि होनायनि बिथिडव आसाम सरकार लेहेम आखु दिन्थिदों होन्ना अजद

दैखंनानै एसटिनि थाखा/ जाय रिपटखौ मिरु सरकारनिस्मि दैथायहरनो नांगोमोन बेखौ दैथायहराखे। बेनि थाखाय बिटिआर कच-राजबंशि (□ 5 बिलाइआव)

रामफलबिल आन्सलिक स्पर्टस एस 'सियेसननि बान्जायनायाव साननैनि हाबाफारिजों सेथि इन्टार क्लाब एथलिट मिट खुंदों

कक्राझार, 24 फेब्रुवारी: लाइमोन गथ'फोरखौ गेलेनाय बिथिडव थुलुंगाखों होनाय आरु रोंगोथि गोनां गेलेगिरिफोरनो गेलेनायनि जायगा जगायनानै होनायजों गोजौ फारसे दैखोलानायनि थाखिजों गेलेमु बादायलायनाय खुंदों रामफलबिल दख'रा गेलेमु गौथुमआ। उन्दै समनिफ्रायनो लाइमोनफोरखौ गेलेमुनि फासं गोसो दुंखां होनाय आरु लामा दिन्थिनायजों लोगोसे गेलेनायनि नेमखान्थिफोरखौ मिबथिहोनो थाखाय रामफलबिल आन्सलिक स्पर्टस एस 'सियेसन



एबा रामफलबिल दख'रा गेलेमु गौथुमनि बान्जायनायाव साननैनि हाबाफारिजों सेथि इन्टार क्लाब एथलिट मिट खुंनया दिनेनिफ्राय

आरु 25 फेब्रुवारी खालि साननैनि हाबाफारिजों रामफलबिल दख'रा गेलेमु गौथुमनि सिडाव गनायथिजानाय गुबुन गुबुन गेलेमु क्लाबफोरनि गेलेगिरिफोरनि थाखाय एथलिट गेलेमुफोर जैरे- खारनाय, लं जाम्प, हाइ जाम्प, जेभलिन खुबैनाय, शट फुट खुबैनाय बायदि बायदि गेलेमुनि बादायलायनायखौ खुंनय जादों। दिने गिबि सानखालि फु'बिलि समाव रामफलबिल दख'रा गेलेमु गौथुमनि गोथार फिरफिलाखौ रासानि (□ 5 बिलाइआव)

सुजुगिरिनि खोलोम

ईशोर फोथायनायाबो
सुबुं माहारिनि गोजोन लाबोयो

धोरोमनि बेलायाव बयहाबो उदां सानसि लानानै गावबा-गावनि नेम खांन्थिजों फालिनाय एबा सिबिनाया हालामाव गोजोन लाबोनायाव मदत खालामो। जाय जेखौ फोथायदों बेवहायनो सैथोखौ मोन्दों गोजोन लादों। मुलुगायाव ईशोरखौ जाय जैरैखि मुं दोन्नानै गाबजिया सिबिया मानो थोंजोडे एबा खेंसालियायै लामाया जैरैखि थाड मानो सौहैनाय थांखिया नाथाय मोनसेयानो। बेनिखायनो जायखि जेखि लामाजों हान्थिनानै ईशोरखौ सिबियामानो सौहैगोन जायगायाबो मोनसेयानो।

धोरोमनि बाश्राया रावबो-रावखौबो थांखिनानै एबा मुं सुनानै दुसिलायनायनि बाश्रा फैया। धोरोमा गावबा-गावनि जिउनि गोसो-गोबॉनि थाखायसो, गुबुननि थाखाय नडा। गावनि जिउ खानाय आरो गोजोन जिउमानि थाखायसो सुबुडा धोरोमखौ बोजबो। गुबुननि थाखाय धोरोमखौ सरजाबनानै समाजनि बेले बेजे थासारिखौ फोजोबनो नागारै सुबुंफोरनि गेजेराव आथिखाल मुगानि रं-बेरनि थासारि लाबोबो नाजानायाव दिनै गावबा-गाव जिउनि गोजोन सोलेर मोनहोनायनि अनगा रं-खावरिजों गुबुंले खालामनो नाजानायखौ नुनो मोनसै। जायनि बिजाउनाव दिनै मुलुगानि दाब-दाब हादतफ्राव धोरोमारि गुलाय-गुजाय जानाय आरो गावबा गावनि धोरोमखौ गुबुननिफ्राय गोजौसिन थाखोयाव दोन्ने जाहिर खालामनाय गोबां बिदिन्थि दसै। धोरोमनि मुडव गुबुनखौ सुसिनाय, धोरोमनि मुडव इनाय-अनागारि हाबा मावनाय, धोरोमनि असिला होनानै समाजआव फाराग लाबोनाय आरो गुबुंले थासारि सोमजिहोनाया समाज बेरेखाफोरनि थाखाय एंगारनो हायै हाबा बादिसो नुजालांवाय गुबुन हादतफ्राव।

धोरोम सिबिनाय, धोरोमनि बिथा सोरजिनाय, गुबुन माहारिनि धोरोमखौ गोरलैयैनो आजावनाय आरो मोनफा धोरोमखौनो बाइदि नेम खांन्थि बाहायनानै सोलिनाया आथिखाल बुहुमाव गोबां दसै। धोरोमनि बोसोन आरो धोरोमनि ज्ञान सोलौंथायफ्राव मा दं मा गैया बेफोरखौ बुंनंगोनि गोनांथि गैया। नाथाय गुबुन गुबुन हादत आरो हारिफ्रा जैरै खौसेयै थामनानै दं बे रोखोमैनो जौंनि हादतयाबो गुबुन गुबुन राव, धोरोम, बोरोननिब्लाबो खौसेयैनो थानो हानाय जादों, बेबादिनो गुबुन गुबुन बिथाबयाव गोसारदलानानै थानाय बर'फ्राबो बर' माहारिखौ बुहुमाव गोखों आरो गोरमसा माहारि दानायनि बेलायाव बयबो खौसेयै आखाय हमलायनो सिगांबोनो हायो।

दिनैनि फान्जामुथि

राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड ङ)
कर्कट : ड ह सिंह : म ट कन्या : प ट (ण ष)
तुला : त र बुश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ज झ)

मेघ: गोसोखौ मानोबा गोजोन्नाय गैयै मोन्नो हागौ। गोसो हमथानानै सोलिनांगोन।

वृष: देहा-सावस्त्रिआ साबस्त्रानाय नडा। मोजाडै डक्टरनि बोसोन मानिनांगोन।

मिथुन: मानिबा थाखाय जिंगा सिनांनो हागौ। गोसोखौ शान्ति मोन्नाय नडा।

कर्कट: माबाफोर मोजां खामानि मावग्रोनानै लानो हागोन। दिनैनि दिनआ शुभ सम।

सिंह: जेखि जाया गात्रि जेंनायाव गोर्लैबायनो हागौ। जैरेबो सांग्रां जानानै थानांगोन।

कन्या: बे राशिनि थाखाय गोथार सान माबाफोर मोजां खामानि मावनो गोनां दड'बा मावनो हागोन।

तुला: सोरजोंबाफोर लोगो हमनो गोनां दड'बा हमहैनो हागोन। सान्नाया जाफुनो हागौ।

बुश्चिक: नख 'रआव गोथार खामानि मावनो गोनां दड'बा मावहैनो हागोन। जौंगानायखौ मोन्नो हागोन।

धनु: गोसोआव मानोबा रंजानो गोसो गैयै जानो हागौ। गोसोखौ लोरबां लानो नाड।

मकर: मानिबा थाखाय गात्रियै जिंगा सिनांनो हागौ। गोसो हमथानानै थानांगोन। थासारिया मोजां नडा।

कुम्भ: सोरजोंबाफोर बायदिसिना होनानै थगाय जानो हागौ। जैरेबो सांग्रां जानानै थानांगोन।

मीन: मोन्नो गोनां माबाफोर मुवा-बेसाद दड'बा मोन्नो हागोन। गोसोखौ गोजोन मोनगोन।

दिखवार बिजाबनि साया लानानै
नै खोन्दो

प्रतिमा नन्दि नार्जारी

गोदो गावसोरनि हालामाव बयनिखुइ नायनो समयना हिनजावसाफोर होनोब्ला लाइस्त्रि बसुमतारीमोन। गोजौ लंस्लथ गुफुर गावदां खावलाय गोजा गोजा खानायबो बेसेबा गोलाव सोमखोर रुमबांमोन। जैरैखि नाया समाइनानि रानिमोन लाइस्त्रिया। बै समाव लाइस्त्रिखौ मानसिफोरा नुब्लानो नायगोमोना थायोमोन। एसेबां समयना जारौ रौ खानाय गोलाव हिनजावसा होननानै। बिसोर गासै बिब' बिनानाव सा द'मोन। बिसोरनि मादाव लाइस्त्रिया समयनासिनमोन। जारौरौ खावलाय गोजा गोजासिनमोन। बिब' बिनानावनि मादाव बियो नैथिमोन। बिदिनो बिसोर गासै बिब' बिनानावजों मिनि खुसि देरबोदोंमोन। बिसोरनि मादाव बिब' देरसिन खौबो मेगन गिदिर गिदिर हारसा हिनजाव बायदि नुलायनाय आजॉ गाजां समयनाथारमोन। नाथाय जारौरुनिखुइ गाहायसिनमोन बेयावनो जेन्दोंमोन बेहा। बिब' बिनानाव साफ्रोमबो बारग' जोबनाय होनब्लाबो बांद्राय जानाय नडा। आलादा आलादा महरजों साफ्रोमबो समयना जोबमोन आरो मेगनाव गोनां जोबमोन। उनाव देरानैथ' आरो दाबुंसे साफा साफा अपसरा बायदिमोन खानाय बुरजा गोलाव साफ्रोमनाबो। नाथाय बिसोरनि मादाव लाइस्त्रिखौ जौसिन देरसिन जारौरौ बयनिखुइ समयनासिन नुयोमोन। टावनाव थानानै देरनाय आर्थि आखाय लावरों लावरों नायबाय थाथाव सिख्लामोन। जानाय-लौनाय जेनिबो आंखाल गैया जासे बिमा-बिफानि सायाव आलो गोजेनै देरबोनाय लाइस्त्रिमोनाह। मानसिफोरा बिसोरखौ बेखायनो फसायो मोन। सोरबा सोरबानि बिमा बिफाफोरा बिसोर बिब-बिनानावखौ देरस्लाब हालायै बिहामजो नायफैनो सुलाद लायोमोन। बयबो नोजोर होयोमोन। जेब्ला बिब' देरसिना हाइस्कुलाव फरायो अब्लानो सासे गावसोरनि फोरोंगिरियानो बिब' गिदिरखौ जुलि लानो आयुइदोंमोन। बिब'नि मुंआ मैनास्त्रिमोन। नाथाय लाइस्त्रिनि बिमा-बिफाया फिसाजो गिदिर मैनास्त्रिखौ बै फोरोंगिरिनो एसेबो हरनो गोसो गैयामोन। बै फोरोंगिरिया नायनो फैब्ला मैनास्त्रि बिमाया खुलुम जालायखैमोन। हरा होनना फोरोंगिरिनि बिमा बिफा फैब्ला खामल्फाइ होलायाखैमोन साहा सिनि जौ बटलनि म'ना थफलाखौ फिव गारलायदोंमोन होन्दों। लाइस्त्रि बिमाया आरो बुंदोंमोन-“जाया जाया आं हरा आंनि फिसाजो गिदिरखौ दानो बिलाइया आं। फरायप्रोथों मेट्रिकफोर बार्ग प्रोथों। नोंसोर मा मा बेसाद लाबोदों थाब लाफिनना थादों।”

नाथाय मैनास्त्रिया जेबो अजर खालामाखैमोन, खालि बियो बिमाखौ बुंदोंमोन-
“आइयै हाइ जौंनि सारखौ बारा जेबो दा बुंलाबाय

बिमा बिफा फैनायाव नों मानो रागा जौलाबाया ? नों हराब्ला बिसोर लानो हायो नामा ? नों हराब्ला हरा नाथाय बिदि गात्रि आखु दिन्थिनो गोनांथि गैयाना आइयै।”

अब्ला बिमाया बुडो- “आं फसायथाराहाइ बै फोरोंगिरिखौ नायनोबो मोजां नंथा खरलेब लेब हाइथाथाबो। नाड जाया, आं हरा बिनो, नों फरायबायथा खाफालाव दंब्ला देनां सोरबा साबसिन सेंग्रा फैगोनबि।”

नाथाय बै फोरोंगिरिया मोनसे सोलो खालामनायसै। मैनास्त्रि बिमा मोननि आखु दिन्थिहरनाय फोरखौ बायदिसिना बर्नायनानै लिरनानै गांसे सुंद' सल' बिजाब लिरना दिहुनदोंमोन मैनास्त्रिखौ लानो नागिरनाय मास्टार। बिखुनजो जागोननि बागै मोजाडैनो बर्नायनानै लिरदों गावसोरखौ मा बायदि आखु दिन्थियामोन। बिदि बायदि रोखेम जेंनानि उनावसो लाइस्त्रि बिमाया बिब' गिदिर मैनास्त्रिनि जुलिखौ बै फोरोंगिरिजों खालामना हरनो सरसोम जानाय बादि जानायसै। बिनिफ्राय मैनास्त्रि आरो बै फोरोंगिरि बसुमतारिनि जुलिया जानानै थानायसै। जुलिनि उनाव मैनास्त्रिया जेबो बादा बिगिनि गैयाजासे सुगौनो राइजो जागासिनो दड'। बिहाव बिखुनजो सानैबो गुरै आखुनि सानैबो मैनास्त्रिखौ अनसोगारो।


बुंनो थांब्ला ब्रैजि-बाजि बोसोर सिगां हिनजाव फोरखौ उन्दै बैसोआवनो बिलाय हरोमोन नालाइ। सोरबा दोहोनि माहाजोन न'थं गोनांनि फिसाज्ला एबा लेखा गोरों साखि आवला बिजाथि रायथि फैनांगौल' अब्लाथाय जेबो खोथा गैला हरनो जानजि खाफ्रानोसैबो। लाइस्त्रिमोननि बेलायावबो बिदिया जादोंमोन। बिब' गिदिराबो जेनिबो हेंथा-जेंना गैयाजासे गाहामै राइजो जाहैबाय। जानो लौनो गोनां नारें कमलानि बागान थालायनाय दोहोनि न'खर।

दानिया लाइस्त्रिनि फाला सफेनायसै। बेखौबो गावसोरनि सासे फोरोंगिरियानो जोबोर गोसो थोनानै लानो नाजाबायदोंमोन। नाथाय लाइस्त्रिया बै गावसोरनि फोरोंगिरिखौ एसेबो मोजां मोना साबजा थारामोन। बै फोरोंगिरिया गावसोरनि क्लासाव फोरोंनो फैब्लाथाइ लाइस्त्रिनि रागाया थिखिनि मोनहैखायोमोन। बेखायनो बियो एसेबो गावसोरनि मास्टार बुजायनायर्थि एसेबो नायहरामोन। बियो खाबुबो होखायामोन खोथा रायलायनो। बिदिनो फरायबाय थानाय समावनो लाइस्त्रिखौ गोबाडनो फसायोमोन। जुलि लानोबो रायथिबायोमोन।

बिनिफ्राय बिब' बिनानाव माखासेफोरा फरायगासिनो दंमोन। लाइस्त्रियाबो हाइस्कुलाव मोन्नानै मोजाडै गोसो होनानै

इम्फलनि डिएम इउनिभार्सिटिआव बमा बेरफ्रुदों

इम्फल, 24 फेब्रुवारी: मनिपुरनि राजथावनि इम्फलनि डिएम इउनिभार्सिटि लांगोना साखाथियाव मोनसे बेरफ्रुनाय जाथाय जायो। शुक्रबार हयव जानाय बेरफ्रुनाय जाथायाव सासे सुबुंनि जिउ गोमायो आरो गुबुन सासेआ गोब्राब जोखोम जायो। जाथायनि बागै शनिबारखालि पुलिसआ मिथिहोदों। पुलिसनि मिथिहोनाय बादिब्ला, इम्फल सोनाब जिल्लायाव डिएम इउनिभार्सिटि लांगोना खाथियाव थरसे गोखों बमा बेरफ्रुयो। बे बमाखौ आइइडि होनानै सन्देह खालामनाय जादों। बेयाव सानै सुबुंफोरा गोब्राब जोखोम जादोंमोन। नाथाय सासेआ उनाव जिउ गोमायो। मनिपुरनि गाहाइ फरायसा आफाद अल मनिपुर



स्टुडेन्टस इउनिनयन (एएमएसइउ) नि मावख' साखाथियाव बमा बेरफ्रुनाय जाथाया जायो। खौरांनि बादिब्ला, बमा बेरफ्रुहोनायनि बिबानखौ रावबो आफादआनो सिमान लायाखै। बमा बेरफ्रुनाया एरैबादि गोखोंमोनदि, सहरनि गुबुन बाहागोफोरावबो बेनि सोदोबखौ खोनानो

मोन्दोंमोन। जात्रथायनि उनाव रैखाथि हान्जाया बे ओन्सोलाव सौहैनानै दायनिगिरिखौ हमनो थाखाय सिग्रोमनाय हाबाफारि लादों। बेराफासै बे समावनो गंसे नोगोरारि समाज आफादिनि मावख' मोखाडावबो अर सावनानै होनाय आरो गुलि गावनाय जाथाय जानायनि खौरां मोन्नाय जादों।

दिल्लीनि मधुबिहारआव मबाइलनि
थाखाय सासे सुबुंखौ जिउ फोजोबदों

गोदान दिल्ली, 24 फेब्रुवारी : दिल्लीनि मधुबिहार ओन्सोलाव शुक्रबार हरनि समाव मोनसे ओरैबायदि जाथाय जायो, जाय फिन खनसेबाव गोबां सोंथि लानानै फैदों। बे जाथाया मोनसे सोंथिखौबो सिखांहोयोदि, आथिखालाव सुबुंनि जिउआ एसेबां बेसेन गैयै जानानै फैबायना? आथिखालाव गंसे फन आरो रंखावरि लुथिनायनि थाखायनो सुबुंनि जिउबो फोजोबसै। खौरां मोन्नाय बायदिब्ला, सान्जा दिल्लीनि मधुबिहारआव सासे लाइमोनखौ दाबासुरिजों गोखोडै गाग्लोबना जिउ गोमाहोदों। बे समाव गाग्लोबनाफोय लाइमोननि फन

आरो रंखावरिबो लुथिना लाडो। पुलिसआ शनिबार फुडाव बे जाथायनि बागै मिबथिहोनाय बायदिब्ला, सुबुंथिनि बेरेखा बे जाथाया शुक्रबार मोनायाव जादों। जाथाइजों मैहुर जानानाय थैनाय सुबुंखौ नरेन्द्र होन्ना सिनायथिनो हादों। पुलिस बिबानगिरिया बुंदोंदि, नरेन्द्रया गावनि लोगोफोरजों मधुबिहारनि सिएनजि गेस स्टेशननि साखाथियाव थानाय जिडिए पार्क आव जिरायना जौ लौदोंमोन। बे समावनो साब्रै सुबुंफोरा बेयाव फैनानै नरेन्द्रखौ दाबा सुरिजों गाग्लोबो। गोबां खेब दाबासुरिजों गाग्लोबनायनि उनाव दुथांफोरा नरेन्द्रनि फन आरो मानि बेगखौ लानानै

थाडो। बेनि उनाव जोखोम जानाय थासारियाव नरेन्द्रखौ लाल बाहादुर सास्त्रि फाहामसालियाव लांनाय जादोंमोन। नाथाय डक्टरफोरा बिखौ थैबाय होन्ना फोसावयो। पुलिसआ फे र म य दों दि, दायनिगिरिफोरनि हेंथायै आइपिसिनि दफा 302 (बुथारनाय), 397 (लुथिनाय एबा दाखाथि जेराव जिउ फोजोबनायनि थांखिजों गाग्लोबनाय जादों), 392 (लुथिनायनि साजा) नि गेजेरजों मधुबिहार स्टेशनआव मोनसे केस थिसन्दों। दायनिगिरिखौ हमनो थाखाय पुलिसआ माखासे हान्जा दानानै नायबिजिनो जागायो।

गेजेर केलिफर्नियाआव लामानि
जाब्रथायजों सा 8 सुबुंनि जिउ खहा

केलिफर्निया, 24 फेब्रुवारी: आमेरिकानि गेजेर के लिफर्नियाआव मोनसे गिखंथाव लामानि जाब्रथाय जादों। गंसे भेन गारिआ ट्राकजों गोखों सोग्रावनायाव जाब्रथाया महर मोनो आरो बेयाव सा 8 सुबुंफोरा जिउ गोमायो। खौरांनि बादिब्ला, जाब्रथाया शुक्रबारखालि गेजेर केलिफर्नियानि मदेरा सिटिआव जादों। पुलिसआ फोरमायदोंदि, जाब्रथाय जानाय भेनजों थानाय सा 8 आबादारिफोर आरो पिकआप ट्राकनि सालायगिरिनि जिउ गोमायो। बिबानगिरि जेबियार रवल कावाआ बुंदोंदि, जाब्रथाया फुंनि 6.15 रिगायाव मदेरा सिटिनि साखाथियावनो जादों। जाब्रथाया एराबादि गिखंथायै जादोंमोनदि, बेयाव



भेन गारिआ आयुडै खहा जायो। भेन गारिनि सासे आबादारिआ जिउ रैखा मोन्दोंब्लाबो गोब्राब जोखोम जानांदों। बिखौ फाहामथायनि थाखाय देहा फाहामसालिआव थिसन्नाय जायो। बिबानगिरिनि मिथिहोनाय बादिब्ला, सानैल' सुबुंफोरा सीटबेल्ट गान्दोंमोन। भेन गारिआव गाखोनाय गुबुन सुबुंफोरा सीटबेल्ट

गान्नायमोनब्ला जाब्रथायाव जिउ रैखा मोन्नो हागौमोन। जाब्रथाय जानायखौ नुनाय सासे सुबुडा पुलिसनो मिथिहोनाय बादिब्ला, गोसोम गाबनि पिकआप ट्राकआ टु लेन हाइवेआव रस ड्राइभिं खालामबाय थादोंमोन, बे समावनो जाब्रथाया जायो। गारि सालायगिरिआ बे समाव माबाफोर फेग्रा मुवा लादोंमोन नामा बेनि सायाव पुलिसआ नायबिजिनयखौ जागायदों।

चीनआव बौद्ध भिक्षुफोरजों लोगोसे सा
100 निबो बांसिन सुबुंफोरा हमजादों

बेइजिं, 24 फेब्रुवारी: चीननि खोला-सान्जा सिचुआन ओन्सोलाव मोनसे गिदिर बान्दो बानायनायनि हेंथायै धर्ना खालामनायनि थाखाय रैखाथि हान्जाया बौद्ध भिक्षुफोरजों लोगोसे सा 100 निबो बांसिन सुबुंफोरखौ हमदों। सुलुंनि बादिब्ला, बे बान्दो बानायनायजों गं 6 बौद्ध मन्दिरफोर गोदोगोन आरो दर 2 गामिफोरनि सुबुंफोर बेयावनिफ्राय थानांगोन। बेनि जाहोनाव बेखौ हेंथा होगासिनो दड। बगावतनि बे मख'जाथाव केसनि गेजेरजों गार्जे तिब्वति स्वायत ओन्सोलाव डेगे काउन्टिनि वांबुडिं टाउनसिपनि थागिबिफोरा 14 फेब्रुवारीनिफ्राय लामायाव ओंकारबोनानै ड्रिचु दैन सायाव 2240 मेगावार्टनि गेगटुअ हाइड्रपावार प्रजेक्टखौ हेंथा होगासिनो दड। सुलुंनि बादिब्ला, बे बान्दोआ यांत्जौ दैन सा बाहागोआव दड; जाय चीननि बयनिखुइबो मख'जाथाव दै लामाफोरनि गेजेराव मोनसे। बे धर्नाआ थानाय 14 फेब्रुवारीआव जागायो, जेब्ला खमेब्लाबो मोन 300 तिब्वति राइजोयारि जथुम्माफोरनि सायाव गोखोडै कन्टल

खालामनाय आरो सिचुआन एबा तिब्वत ओन्सोलाफोरव बिबानगिरिफोरनि गेजेरजों गुवारे नोजोर होनायखौ नेवसिगारनानै बान्दो बानायनायखौ हेंथा होनो थाखाय डेगे काउन्टि टाउन हलनि बाइजोआव जमा जायो। सुबुंफोरखौ गोब्राबे सिचुआननि कार्दजे तिब्वति स्वायत ओन्सोलाव हयो, जाय तिब्वतिफोरनि मोनसे गोबां सुबुंफोर थाग्रा ओन्सोला। सुलुंनि बादिब्ला, हमजानाय धर्ना होग्राफोरनि गेजेराव माखासेनि सायाव एरैबादि इनाय-अनागार खालामदों, जायफोरखौ देहा फाहामसालिआव थिसननांदों। पुलिसआ धर्ना होग्राफोरखौ सामलायनो थाखाय दै सारनायजों लोगोसे गुबुन थांखिफोरबो लादों। धर्ना होग्राफोरनि भिडिआव भिक्षुफोरखौ बिबानगिरिफोरनि सिगाडाव आर्थि हमनायखौ नुनो मोन्दों। सुलुंनि बादिब्ला, चीनआव धर्ना होग्राफोरखौ जोबोद इनाय-अनागार खालामनाय जायो।

पिएम मदिआ भारतायाव मुलुगनि बयनिखुडु देरसिन ग्रेडन स्टरेज स्कीमखौ बेखेवबाय

गोदान दिल्ली, 24 फेब्रुवारी: गाहाइ मन्त्रि नरेन्द्र मदिआ राजधानिनि जौगाखां फोथाराव थानाय भारत मन्डपमआव खुनाय मोनसे हाबाफारियाव दिने मुलुगनि बयनिखुडु देरसिन ग्रेडन स्टरेज स्कीम बिथांखिखौ बेखेवो। बिथाड जाग्रा आदार रानानै होनो थाखाय दर 11 रइज्योफोराव 11 पेक्स गुदामफोरखौ बेखेवो आरो मोन 500 पेक्सयाव गुदामफोरखौ खालामनायनि अन्थाइ खाम्फा गायसनो। बे हाबाफारियाव मिरुआरि मन्त्रि अमित शाहआवो बाहागो लादोमोन। गाहाइ मन्त्रिआ बे समाव बुडोदि, दिने भारत मन्डपम जौगाखां भारतनि अमृत यात्रायाव आरोबाव मोनसे गिदिर जाफुंसारनायखौ मोनो हादो। भारतआ क-अपारेसनखौ जौगाखां होनो थाखाय लानाय समायकिरा जाफुंसारनाय फारसे आवगायगसिनो दड'। बिथाड बुंदो, आबाद आरो आबादारिफोरखौ गोखौ



खालामनायाव क-अपारेसननि गोहोआ गाहाइ बिफाव दड'। बेखो दिने गावसोरनि आबादारिफोरनि थाखाय मुलुगनि देरसिन स्टरेज स्कीमखौ जागायबाय। बे बिथांखिनि गेजेरजो हादतनि खना-खनला रोजा-रोजा वेयर हाएसेस आरो गुदामफोर बानायनाय जागोन। दिने 18 रोजा पिएसिएसनि कम्पुटारिसेशननि गिदिर खामानियावो आबुं जाबाय। बिथांनि बायदिब्ला, क-अपारेसनआ जिउ खानायजो लोब्बा गोनां मोनसे सरसनस्रा

बेवस्थाखौ गिदिर टेकनल 'जि गोहोआव सोलाय होनो हायो। बेयो हादतनि रंखांथि बेवस्था, जरखायै गामियारि आरो आबादजो सोमोन्दो गोनां रंखांथि बेवस्थाखौ जौगाखां होनायनि मोनसे राहा-लामा। आधिखालाव हादतआवबो डेयरी आरो आबाद मावनायाव आबादारिफोरा क-अपारेसनजो सोमोन्दो लाखिदो, बेयाव गोबां अनजिमानि आइजोफोर दड'। आइजोफेरनिबे अनजिमाखौ नोजेरो होनानै सरकारबो क-अपारेसनजो लोब्बा गोनां नेम-खांथिफोरनि सायाव गोनांथि होसिदो।

मुस्लिमफोरनि जुलि खान्थिखौ फोजोबनो थांखि लानायनि सायाव एआइडिउडिएफनि एमएलएआ गोखौ फिनजाथाइ होदो

गुवाहाटी, 24 फेब्रुवारी : आसाम सरकारनि मुस्लिम जुलि आरो डिभर्स रजिस्ट्रेशन आइनखौ फोजोबनो थांखि लानायनि सायाव बेरेखा दोलोया गोखौ फिनजाथाइ होदो। एआइडिउडिएफनि गाहाइ बदरुद्दिन आजमलआ सरकारनि बे थांखिखौ सिगाडावबो सोंखारिदो। आधिखालाव एमएलए रफिकुल इस्लामआ सरकारनो संग्रांथि होनानै बुंदोदि, सरकारहा समान नोगोरारि खांथि लाबोनायनि साहस गैया। सरकार बेबायदि खालामनो हाया। आसाम सरकार शुक्रबार मोनायाव खालामनाय केबिनेटनि जथुमयाव मुस्लिमनि जुलि आरो डिभर्स रजिस्ट्रेशन आइनखौ फोजोबनायनि थांखि लायो। सरकारनि बायदिब्ला बेजो उन्दै बैसोयाव जुलि खालामनायाव होबथानायाव मदत मोनगोन। बे थांखिया इउसिसिनि फारसे मख 'जाथाव थांखि होना रइज्यो



सरकारनि मन्त्रि जयन्त मल्ला बरुवाया दाबि दैखांदो। एआइडिउडिएफनि एमएलए डक्टर रापिकुल इस्लामआ रइज्यो सरकारनि मुस्लिमफोरनि सासेनिफ्राय बांसिन आइजो जुलि लानाय आरो डिभर्स एबा तालाक रजिस्ट्रेशन आइनखौ फोजोबनायनि थांखि लानायनि सायाव बुडोदि, बे सरकारहा इउसिसिखौ लाबोनायनि साहज गैया। बिसोरो बेबायदि खालामनो होना हाया। उत्तरखान्दआव जाय खांथिखौ लाबोदो बेयो इउसिसि नड।

बिसोरो आसामावबो इउसिसि लाबोरो नाजादो। नाथाय आसामाव बिसोरो बेबायदि खालामनो हानाय नड, मानोना आसामाव गुबुन गुबुन हारि आरो फोलेरनि सुबुंफोर थायो। बिजेपिनि हेफाजाबआरिफोरा गावसोरल' बे खांथिखौ फालियो। बिसायख 'थि जानो थांगासिनो दड आरो बेयो

दावहानि उनावबो इज्राइलआ गाजाखौ कन्ट्रलआव लाखिगोन

गोदान दिल्ली, 24 फेब्रुवारी :


इज्राइलआ रोखा खालामना होनाय बायदिब्ला, दावहा जोबनायनि उनावबो बिसोर गाजानि हाबाफारिफोरनि सायाव कन्ट्रल खालामना लाखिगोन। बेनि गेजेरजो रजमरानि खुंथायारि हाबाफारिजो लोमोसे रैखाथियारि राहाफोराबो बिसोरनि नोजोरवो थागोन। बे बिबुंथिखौ गाहाइ मन्त्रि बेन्जामिन नेतन्याहुआ थानाय शुक्रबारखालि मन्त्रि मन्डलनि सिगाडाव होदो। बे बिथांखिया आमेरिकानि बिथांखिनि उल्था, जेराव गाजानि सामलायनायखौ फिलिस्ताइन अट'रिटिनो होनो नाजागासिनो दड। बे अट'रिटिया आधिखालाव सिमना गोनां बिबानगिरिफोरजो लोमोसे वेस्ट बँकआव खुंथाइखौ सामलायगासिनो दड। गाजायाव दावहा दोन्थ 'नो नाजानायनि गेजेरजो नेतन्याहुआ इज्राइलनि इयुननि बिथांखिखौ फोसावदो। बेयाव रोखा



खालामना होनाय जादोदि, इज्राइलआ हामासखौ फोजोबनाय गावसोरनि थांखिनिफ्राय एसेबो फवसयाखे आरो इयुनाव गाजानि खुंथाइखौ गावसोरनि दखलआव लानो थांखि होदो। दावहानि उनाव इज्राइलनि सांथिफोरा गाजाखौ नागारगोन। नाथाय नोजोर होनायखौ सोलिहोबाय थागोन। बेनि गेजेरजो गाजायाव इज्राइलनि गाग्लोबनाया सोलिगासिनो दड आरो गोदानै गाग्लोबनायफोराव सा 100 सुबुंफोरनि जिउ गोमादो। बेयाव थैनायफोरनि अन्जिमाया बांनानै 30 रोजानि

बोथोर सोलाय-सोल' जानायनि गेजेराव दिल्लीयाव अखा हानो हागौ!

गोदान दिल्ली, 24 फेब्रुवारी : दिल्लीयाव बोथोरनि सोलाय-सोल' जानाया सोलिगासिनो दड। शुक्रबार फुडाव गोखे बार बारनायनि जाहोनाव मिनिमाम बिदुडा दावखलायदो। बेनि जाहोनाव सानबैनि उनाव मिनिमाम बिदुडा फिन 10 डिग्रि सेल्सियासनि गाहायाव थाडे आरो सरासन्धानिफ्राय 4 डिग्रि सेल्सियास खमसिम थिसनजायो। बेनि गेजेरजो शुक्रबार फुडाव फेब्रुवारी दाननि ब्रैथि सपानि बे सानआ थानाय 5 बोसोरनि गेजेरावो बयनिखुडुबो गुसुसिन फुं महरै थिसनजायो। बोथोर बिफाननि बायदिब्ला, दिने मेक्सिमाम बिदुडा 25 डिग्रि सेल्सियास आरो मिनिमाम बिदुडा 8 डिग्रि सेल्सियासनि गेजेराव थायो। अदेबानि रबिबारनि उनाव मिनिमाम बिदुडा 10 डिग्रि सेल्सियासनि जौसिनाव थिसनजानो हागौ। फारसेथिं



सोलिफु दाननि जोबथासिमाव मेक्सिमाम बिदुडा 29 डिग्रि सेल्सियाससिम सौहेनो हागौ। बोथोर बिफाननि हमदानाय बायदिब्ला दिल्ली, हरियाणा आरो पान्जाबजो लोमोसे सा भारतनि गुबुन गुबुन बाहागोफोराव फेनो गोनां सप्ताहयाव फिन खनसेबाव सोनाब नारसिन्थाइनि गोहोमखौ नुनो हागौ।

साननैसोनि उनाव दिल्लीनि जायागा सरसनस्रा अखा हागोनखौ बोथोर बिफाना फोरमायदो। मख 'जाथावदि, थानाय सानाव दिल्लीनि मेक्सिमाम बिदुडा 24.4 डिग्रि सेल्सियास थिसनजादो, जाय सरासन्धानिफ्राय 1 डिग्रि सेल्सियास बांसिनमोन। बे सानआव मिनिमाम बिदुडा 7.6 डिग्रि सेल्सियास थिसनजायो,

जाय सरासन्धानिफ्राय 4 डिग्रि सेल्सियास खमसिम आरो बेयो फेब्रुवारीनि ब्रैथि सपताहयाव थिसन्नो मोन्नाय 2019 माइथाइनि उरनि बयनिखुडुबो खमसिम मिनिमाम बिदु। 2019 नि 28 फेब्रुवारीयाव दिल्लीनि मिनिमाम बिदुडा 7 डिग्रि सेल्सियास थिसनजादोमोन। मख 'जाथावदि, सानसे सिगां बृहस्पतिवारखालि दिल्लीयाव

मेक्सिमाम बिदुडा 26.2 डिग्रि सेल्सियास आरो मिनिमाम बिदुडा 10.8 डिग्रि सेल्सियास थिसनजादोमोन। बेजो लोमोसेनो शुक्र बारखालि दिल्लीनि आबहावनि गुणआ गेजेर थाखोयाव थायो। मिरुआरि गेजेरनाय सामलाय बर्ड (सिपिसिबि) नि बायदिब्ला, फेगौ सान्थामसिमाव राजधानि दिल्लीनि आबहावनि गुणआ गेजेर थाखोयावो थाबाय थागोन। अदेबानि बेनि गेजेरजो सुबुंफोर गेजेरनायनिफ्राय सरसनस्रा रेहाय मोनगोन। अब्लाबो गेजेरनायनि एयार इन्डेक्सआ बेनि उनाव दावखोनानै गात्रि थाखोयाव सौहेनो हागौ। सिपिसिबिनि रिपट बायदिब्ला दिल्लीनि एयार इन्डेक्सआ 142 थिसनजादो आरो बेयो गेजेर थाखोयाव गोलेयो। बे अन्जिमाया सानसे सिगां 150 मोन।

सोनाब बंग 'आव ममता बेनार्जीनि तृणमुल कंग्रेसआ हारसिनो गासैबो मासिफोराव बिसायख 'थि गेलेनो फोसावदो

गोदान दिल्ली, 24 फेब्रुवारी : लकसभा बिसायख 'थिनि सिगां सोनाब बंग 'आव ममता बेनार्जीनि तृणमुल कंग्रेसआ हारसिडेनो गासै मासिफोराव बिसायख 'थि गेलेनो फोसावदो। बेनि गेजेरजो कंग्रेसनि गाहाइ नेहाथारि जयराम रमेशआ बिबुंथि होदो। अदेबानि लकसभा बिसायख 'थिनि सिगां इन्डिया जुथाइ दोलोखौ आरोबाव खेबसे गोखौ खालामनो नाजाफिनगासिनो दड। बे बिसायख 'थियाव बिजेपिनि हेथायै कंग्रेसआ अकिलेश यादव आरो अरिन्द केजरवालनि हेफाजाब मोनखांबाय। बेनि उनाव कंग्रेसनि नोजोरा आधिखालाव ममता बेनार्जीनि सायाव गोहोम खोख्लैदो। शिट शेयारिखौ लानानै सोनाब बंग 'आव ममता बेनार्जीनि



पार्टी टिएमसिजो गोदानै सावरायफिन्याया जागायबाय। टिएमसिजो लोमोसे शिट रानायनि सायाव कंग्रेस गाहाइ नेहाथारि जयराम रमेशआ बुडोदि, बेनि सायाव सावरायनाया सोलिगासिनो दड। जौनि दर्जाया टिएमसिनि थाखाय जेब्लायबो खुला जानानै दड। ममता बेनार्जी आरो टिएमसिया बुंनाय

बायदिब्ला बिसोर इन्डिया जुथाइ दोलोखौ गोखौ खालामनो हास्थायो आरो बयनिखुडु देरसिन थांखिया बिजेपिखौ फेजेन्याय। मोनै पार्टीफोरनि गेजेराव दान्ये-बिदाथेया जाबाय थायो। नाथाय जो ममता बेनार्जीखौ सनमान होयो होन्ना कंग्रेसनि गाहाइ नेहाथारिया बुंदो। बिथाडा बुंवावदोदि, कंग्रेसआ जेब्लायबो ममता बेनार्जीखौ सनमान होयो। अदेबानि कंग्रेसआनो बिथांखो

एमपि बानायदो आरो कंग्रेसजो लोमोसेनो बियो आवगायबोना हादो। माखासे गावयारि जाहोनफोराव बिथाडा पार्टी नागारदो नाथाय दिनेबो बिथांनि पार्टीनि मुड तृणमुल कंग्रेस। बबेखानि पार्टी नागारनायनि उनावबो बिथांनि सान्नाय-हनायफोरा कंग्रेसजो लोब्बा गोनां। बेनि सिगां ममता बेनार्जीया सोनाब बंग 'नि मोन 42 मासिफोराव हारसिडे बिसायख 'थि गेलेनायनि खौरं होदोमोन। सिगाडाव कंग्रेसनो मोन 42 नि मादाव मोननै शिटनि अफार होदोमोन। नाथाय कंग्रेसआ बेनिफ्राय बांसिन दाबि दैखांबाय थारोमोन। बेनि उनाव ममता बेनार्जीया सोनाब बंग 'आव जो हारसिडे नो बिजेपिखौ फेजेनगोन होना बुडे।

इम्फल, 24 फेब्रुवारी: मनिपुरनि आदिबासि थागिबि हारिसाफोरनि गोजौसिन आफद इन्डिजेनियस ट्राइबल लिडार्स फ्राम (आइटिएएफ) आ शुक्र बारखालि 100 निबो बांसिन कुकि हारिनि पुलिसफोरखौ मेइटेइ सुबुं अन्जिमा थानाय ओन्सोलफोराव दैथायहरनायनि बेरेखायै गोखौ अजद दैखांदो। बे बिथोनखौ पुलिसफोरनि थाखाय थैनायनि साजा होनानै आफादआ नख 'र मन्त्रि अमित शाहनो गांसे लाइजाम लिहरदोमोन आरो बिथांखौ रैखाथि होनो खवलायदो। थानाय बोसोरनि 3 मेआव मेइटेइ आरो आदिबासि कुकि हारिनि गेजेराव हारियारि दाडा-बाजिआ जागायदोमोन। बे हिंसायाव



दासिमाव सा 200 निबो बांसिन सुबुंफोरा जिउ गोमाबाय। आइटिएएफनि दैदेनगिरि आरो बुंथिगिरि गिनजा भुलजंआ बुंदोदि, आधिखालनि थासारिआव ट्रेन्सफार खालामनाया गनायजाथाव नड। बिथाड

बुडोदि, बिसोर (कुकि पुलिसफोर) मेइटेइ सुबुं अन्जिमा थानाय जिल्लाफोराव दावबायनागोन आरो जुदि बिसोर दावबायनायनिफ्राय बारग 'थोब्ला बिसोरखौ बांसिन मैटेइ पुलिसफोरजो थिसन्या जागोन। बेबादि थासारिआव

सरकारआ बिसोरनि रैखाथिखौ गेथि होनो हाया। आइटिएएफआ नख 'र मन्त्रिनो लिरनाय गांसे लाइजामआव मनिपुर पुलिस बिथोनगिरि गाहाइजो फोसावजानाय नासयजाथाव बिथोनखौ मावफुंनायखौ होबथानो थाबैनो आखाइ होनो खवलायदो।

रडिया डिभिजनआव फोसावथाय
निलाम निताम निताम इ-निलाम
रडिया डिभिजनआव फोसावथाय थिकानि थाखाय इ-निलाम। रेट इन्टिनेट: बोसोरारि लाइसेन्सनि फिस: थिथ/सान: 10951

निलाम केटालग नं.	एडिभिटि-एनविकिउ-अअइस	फोसावथाय
सेक नं.	लट नं./केटालग	
एए/1	एडिभिटि-आरएनबाइ-एनविकिउ-अअइस-192-24-1 (फोसावथाय-आउट अफ इम)	निउ बडाइगाव जंसन स्टेसननि स्टेसन एरियाफ्रॉन्ट गासै 2600 रुक्यार फिट गुवारीथयाव 3 (थाम) बोसोर समनि थाखाय हडिगा, ग्लसाइन आरो ग्लसाइन क्वकनि गेजेरजो फोसावथायनि दिनिथफुं नायनि थाखाय नख 'र फोसावथाय मोन्थायनि खामानि।

निलाम जागनाय सम आरो अक्ट: 11-03-2024 नि 11:00 रिगा। निलाम जागनायनि सम आरो अक्ट: 11-03-2024 नि 11:30 रिगा। गोसो गुडु बिजायिफोरखौ इ-निलाम फारिआंथिखौ आइआरएडिपिएसनि वेबसाइट www.ireps.gov.in वेबसाइटआव नानो थाखाय खालामनाय जाबाय।

इभिजेन रेलवे जेजेजार (सि), रडिया सा-सान्जा सिमजा रेलवे
मिनिपुरनायनी यावकफोफे सिमिथाय

इरानआ पाकिस्तानआव हाबनानै सार्जिकेल स्ट्राइक खालामदो

तेहरान, 24 फेब्रुवारी: इराननि सरकारि सुलुडाव फोरमायदोदि, इराननि सांथि हान्जाया पाकिस्ताननि ओन्सोलाव जेश अल अदलनि गागि उतरखारि हान्जानि कमान्डार इस्माइल शाहबाश आरो बिनि माखासे लोमोफोरखौ जिउ फोजोबदो। दरने हादरनि गेजेराव उरां जाहाजजो गाग्लोबलायनायनि दानसे उनाव इराननि सांथिआ मोनसे दाड-बाजिआव मोनसे उतरखारि हान्जानि सायाव गाग्लोबदो। सुलुनि बादिब्ला, थानाय 2012 आव दानाय जेश अल अदल, जायखौ इकानआ उतरखारि फसंथान महरै सिनायथि होदो। बेयो मोनसे सुन्नी उतरखारि हान्जा, जाय इकाननि खोला-सान्जा ओन्सोल सिस्तान-बेलुसिस्तानआव थायो। थानाय माखासे बोसोरफोराव जेश



अल अदलआ सिस्तान-बेलुसिस्तानआव थानाय मोनसे पुलिस

स्टेसननि सायाव गाग्लोबनायनि दाय लादोमोन, जेराव खमैबो सा 11 पुलिस मावसुमाफोरनि जिउ गोमादोमोन। सुलुनि बादिब्ला, थानाय दानआव गावजो गावनि ओन्सोलफोराव उतरखारि फसंथानफोरनि हेथायै मिसाइल गाग्लोबनायनि माखासे सप्ताह उनाव पाकिस्तान आरो इरानआ नेमखांथि बादिदै रैखाथियारि हेफाजाब होनायखौ फुवारनायनि सायाव गनायथि होयो। बे रदाइखौ पाकिस्ताननि गुबुन हादरयारि मन्त्रि जलिल आब्बास जिल्लानि आरो इराननि गुबुन हादरयारि हासेन आमिल आब्दुल्लाहियानि गेजेरजो पाकिस्तान गुबुन हादरयारि मावख 'आव मोनसे जुथाय खौरंगिरिफोरनि जथुम्मानि समाव फोसावो।

मुलुगनि सोमोनांथाव माखासे जायगा जेराव बोगथाबमा गोहोनि थिअरिया खामानि मावा

जों बयबो गुदि फरायसालियावनो बिगियान आयदायाव बोगथाबमा गोहोफोरनि खान्थि एबा थिअरिफोरखौ मोनबोदों। बोगथाबमा गोहोनि खान्थि एबा थिअरिफोरखौ निउटनआ दिहुन्दोंमोन, जायनि आयदियाआ बिथाडा जिरायना थानाय आपेल बिफां सानिफ्राय आपेल फिथाइया हायाव गोर्लेनायाव सानखांजादोंमोन। बेनि उनाव बिथाडा सानो हमोदि, मोनफ्रोमबो मुवायानो गोर्लेनिफ्राय गाहायावल' मानो गोर्लेफेयो। बे बाश्राखौ लानानेनो निउटनआ बोगथाबमा गोहोनि बागे संदान्ना दिहुनो। जोंनि बुहुमनि जेरावखि थाड बोगथाबमा गोहो थानायखौ जों मोन्दांथिनो हायो।



नाथाय जोंनि बुहुमाव दासिमबो माखासे औरैबायदि जायगा दड, जेराव ग्रेबिटि एबा बागथाबमा गोहोया खामानि होया। बेफोर जायगायाव मुवाफोरा गाव हारसिडेनो गाहाइनिफ्राय गोर्लेथिं दावखोलाडे, जाय बोगथाबमा गोहोनि खान्थि उल्थायै खामानि मावयो। नोंथाड बेफोर बायदि जायगायाव माळाबा थांखांबायब्ला, बेनि बागे साबसिनै बुजिनो हागोन। जोंनि बुहुमनि बोगथाबमा गोहो गैयै एबा निउटननि थिअरिनि उल्था हाबा मावग्रा जायगानि बागे गाहायाव मिबथिनोनाय जाबाय।

1. मेगनेटिक हिल: बे हाजोखौ भारत हादतनि लादाखआव श्रीनगर-लेह राजा-लामायाव मोनलानाय जायो। बेनि मोनसे मख 'जाथाव



गुणआ जादों बे हाजोयाव जायखि-जाया गरिखौ स्टार्ट बन्द' खालामना निउटेलआव दोनोब्ला गरिया ग्रेबिटिनि थिअरिखौ गनाया जासे एबा बेनि उल्थायै गावनो गाव हाजो फारसे आवगायलांबाय थायो। बेबायदि गोर्ले फारसे आवगायलांनया गिबियाव लासे लासे मावखांनयजों जागायो। नाथाय माखासे सम उनाव गरिया जोबोद गोर्लेथै घन्टयाव 20 किल 'मिटर गोर्लेथिजों गोर्ले फारसे आवगायलांनो हमो। थारैनो बे जाथाया सोमोनांथाव।

2. हुभार बान्दो: इनाइटेड स्टेटनि हुभार बान्दोया मुलुनगनाडै मुंदांखा। बेवहाय सुबुंफोरा मुलुगनि खना-खनलानिफ्राय बान्दोनि समयना लुथाइ आरो बेनि जिर' ग्रेबिटिखौ नायनो थाखाय फेयो। बे बान्दोनि मख 'जाथाव गुणआ जादों नोंथाड बेनि सायाव दै लुना होयोब्ला बे दैया गाहाइ फारसे फैया लासे उल्थायै गोर्लेथिं दावखोलाडे। बेबायदि उल्था दैया दावखोलांनयनि जाहोना जादों



दालांनि जोबोद गोर्ले बाहागोयाव लुजानाय। बे बान्दोया हानिफ्राय 221.4 मिटर गोर्लेआव लुजानाय आरो बेनि गोलावआ 379 मिटर। बेनि लुथाइया बोरला महरनि दबनाय। बेनिखायनो बे बान्दोजों बारलानाय बारआ जोबोद गोर्लेथै गाहायनिफ्राय गोर्लेथिं थाडे। बेनि जाहोनावनो दैयाबो गाहायाव थाडलासे बारनि गोर्ले खारथाइजों गोर्ले फारसे थांफायो आरो बेखौनो जों दै लुयोब्ला दैखौ गाहायाव गोर्लेया जासे उल्थायै गोर्ले फारसे थांनय नुनो मोनो।

3. मिस्ट्री स्पट: बेयो आमेरिकानि सान्ता क्रुज केलिफर्नियाआव दड। बे जायगाखौ हा सा नायबिजिरा बिगियानगिरिफोरा 1939



आव संदान्ना दिहुन्दोंमोन आरो बेखौ 1940 माइथायाव सरसन्ना सुबुंफोरनि थाखाय बेखेवना होनाय जादोंमोन। बेयो 150 बर्ग फुटनि मोनसे दुलुर एबा बेंखन महरनि जायगा, जेराव नोथाड आलादा एंगलजों गसंथानो हायो। बे जायगायाव दैयाबो उल्था दिगै बोहैयो आरो जों थि दिगखौ मिबथिनो थाखाय बाहायग्रा कम्पासआबो बेयाव थि रोखोमै खामानि मावो।

4. रिभार्स दै बाज्रुम: बे दै बाज्रुमआ भारतनि महाराष्ट्र राइज्योआव दड। महाराष्ट्रनि सिंहगढआव थानाय रिभार्स दै बाज्रुमनि मख 'जाथाव बाश्राया जादों बेनि दैखौ गाहाइ फारसे फेनाय नुनो मोना। सरसन्नायै



दै बाज्रुमफोरनि दैखौ जोबोद समयनायै गोर्लेनिफ्राय गाहायाव बोहैगलायनाय नुनो मोनो। नाथाय रिभार्स दै बाज्रुमनि दैफोरखौ उल्थायै गोर्लेफारसेसो थांनय नुनो मोनो। बिगियानगिरिफोरनि बायदिब्ला, एन्टि-ग्रेबिटिनेल फर्स आरो गाहाइनिफ्राय गोर्लेथिं थांनय गोर्ले बारनि जाहोनाव दै बाज्रुमनि दैखौ गोर्लेथिं थांनय नुनो मोनो। □

भारतीय आइजो हकी टीमनि कचआ बिबान एंगारबाय

गुदान दिल्ली, 24 फेब्रुवारी: भारतीय आइजो हकी टीमनि कच यानेक शपमेनआ गावनि मासिनफ्राय बिबान एंगारबाय। बिथाडा हकी इन्डियानि आफादगिरि दिलिप तिकीनो गावनि बिबान एंगारनायखौ गथायदों। भारतीय आइजो हकी हान्जाया पेरिस अलिम्पिकनि थाखाय क्वालिफायरनि उनाव फेलें जानायनि उनाव बिथाड सोंखारिनायजों मोगा-मोगि जानांदों। बेनि सान्त्रै सिगाडव शपमेनआ आइजो गेले गिरिफोरनि थाखाय बिबानआव थानायखौ गोब्राव फोरमायो। लोगोसे आइजो कच आरो गेलेगिरिफोरनि हेंथायै नासयनाय जायो होन्नाहै हकी इन्डियानि सायाव दाय होदोंमोन। सिमां फारसे बिथाड थांनय 2 बोसोरनि समाव गावनि बिबान सामलायनाय



समाव हारसिडेनो उदाडै नो बिबान लानांनोनायखौ फोरमायो। लोगोसे बिबाननि समाव आइजोफोरनि फारसे मान होसेयावबो फिन गावनि बिबानआव थानाय समाव अन्सायनाय मोनैखौ फोरमायो। यानेकआ ब्रे बोसोर सिमां 2020 आव सासे बिजिरसंग कच महरै भारतीय हान्जाया हाबजेदोंमोन। टकिय अलिम्पिकनि उनाव

ब्रन्ज मेडेल, एसियान गेम्स 2022 आव ब्रन्ज, एसियान सेम्पियन्स ट्रफीआव सना आरो मास्कट एसिया काप 2022 आव ब्रन्ज मेडेल देरहादोंमोन। मख 'नो गोनांदि, अलिम्पिक क्वालिफायरनि उनाव शपमेनआ बिबानगिरि महरै गोबां सोंखारिजानायजों मोगा-मोगि जानांदोंमोन। थांनय जानुवारि दानआव रन्सिआव जालानाय एफ आइएइस अलिम्पिक क्वालिफायरआव भारतीय आइजो हान्जाया पेरिस अलिम्पिकनि कथा मोन्नायाव फेलें जादों। जायनि फिथाइ महरै गाहाइ कचआ गोबां सोंखारिजादोंमोन। बेबादि थासारिआव शपमेनआ फेगौ जुन-जुलाइ दानआवसो गावनि बिबानआ जोबहैगोनब्लाबो सिमांगो बिबानखो एंगारदों। □

रंजालि गथ'फोरनि सौरा

गोरोबनै खन्थाइ

मोजां गोसोनि सानस्त्रिनाय
मोजां गोसोनि मिजिनाय

बिदि सुबुं जानो थाखाय
मानो नुयो हरदम बानाय

सोरखौबा गुबुंले जानो
हरदम नाड बुंबाय थानो

नाथाय मोजां सुबुं जानो
बार बार बुंलाय नांगो मानो ?

जाय हावार गोरबोनि मानसि
बिनाव थाया मोनसा मोनसि

-रैदोम बर',
माजदिया, बगुलामारि,
बाक्सा

बर' बिमा

आं सासे बर' बिमा
जोनोम होदोंमोन आं गोबां फिसा।
सोरनिबा मुड जाबाय गार'
सोरनिबा मुड जाबाय राभा
सोरनिबा मुड जाबाय बानाय।
नाथाय आं नुनो मोन्नायाव
मालाय बिमानि फिसाफोरा
मुं मोनसेयानो जोब,
नाथाय आंनया मानो गुबुन गुबुन जाखो ?
आं बर' बिमा
आंनि फिसाफोराबो गासिबो बर' जाजोबनांगोमोनना ?
दिनै आं मा खालामनो
बिसोरदि, आंनि रावखौनो
सोरबा सोरबाया रौलिया
मानि थाखाय आंनि फिसाया बिदि जाखो ?
दिनै आं बिमा जानाने
माखासे फिसाफोरनि रावखौनो बुजिलिया।
दिनै आं गावखौनो सावैयो
आं मानो फिसाफोरखौ बिदि आलाय-सिलाय खालामखो।
हे गसाइ आंनि मोनसे आर'ज
बिसोर गुबुन गुबुन मुंनि बिदा-फंबायखौ
मोनसे गोरोबथायाव लाबोदो
जाहाथे आंनि जिउआ गोजोन मोनो।

मुश्री धन कुमार ब्रह्म
गामि: गम्भिरा काता, ला:सो:-काजिगाव
जिल्ला: कक्राझार बि टि सि (आसाम)

सैया-सैया खालामो अनजालुआ आंखौ

नै अनजालु नों आंखौ
गोजाननिफ्राय नुब्लानो,
मानो एरा-एरा खालाम लाडे ?
मानिबा गोरोन्थि बुंफलांदों नामा आंलाय ?
ना माबाफोर दाय मावफलांदों नामा ?
दिनै नों आंखौ गारनाय,
गुबुनखौ लानो सान्दों नामा ?
बिदिब्ला नों मानो आगोलाव
आंखौ मोजां मोनामोन ?
दाना मानो सैया-सैया खालामखो ?
सानदोंमोन नामा नों आंखौ सान्नेसोनि,
थाखायल' मोजां मोनफलानो,
आंखौ फाग्लिसो खालामनो सान्दोंमोन नामा
नोंलाय अनजालु ?
आं नोंखौ थैनायै थांलाबो नोंनि,
महरखौ बावनो हानाय नड।
आंनि थायनै मेगनाव नोंनि,
महरा जेब्लाबो साया-माया गेले फेबाय थागोन अनजालु।
दाखालामसे नों आंखौ सैया-सैया।

मुश्रीमा सबानि नार्जारी
कचुगाँव पाब्लिक गार्लस हाइ स्कूल
धिलेज- नर्थ कचुगाँव
जिल्ला- कक्राझार।

बिखाया गावयो खुगाया गेवा

बिखाया गावो खुगाया गेवा
गोसोनि खोथाखौ बुंनो हाया
बुंनो सानो नाथाय बुंनो हाया
नोंखौ नुब्ला हाइ स'ना।
आंनि गोसोया गिनाय लाजिनायजों
फावसायना थायो।
नोंनि बे हायनारि महरखौ नुब्लाथाइ
फोरमायनोबोसो हालिया गोसोनि खोथा।
गोसोयावनो साबाय साबायल
खामग्लि जोबो आंनि गोसोया
दोहो दोहो रोमो रोमोये।
आंनि गोसोनि बाश्राखौ
माबोला फोरमायनो मोन्नो
नोंनि सिगाडव।
हास्थायनाय गोसो आंनि नोंखौ
जेब्लाबो बावनो हाया जाबाय।

श्री अनसुला गौरा ब्रह्म
गामि: गम्भिरा काता
काजिगाव गोर्ले फरायसालि
जिला: कक्राझार बि टि सि (आसाम)
ला:सो: काजिगाव

गोर्लेनि अनजाली

नेनानै दंमोन आं बे अनजालीखौ खोथा होखानाय
बायदि। आं नोंखौ अराय सम बावनानै थाड होन्नायै।
नाथाय बे अनजालीआ दिनै आंजों
जाबाय मानोबा एरा एरा;
सानदोंमोन आं अनजालीखौ
आंगोनि असे लोगो होन्नायै।
नाथाय नों दिनै आंनि गोर्लेआव
बेसेबांबा दोहो दोहो जुजाइनि अरसो
सुना गालांबाय।
नाथाय मानो अनजाली सना ?
नाथाय गैया आंहा बारि बागान
ग्रोम ग्रोम गैया आंहा जोंब्लाड
लाइनाय आरसि सि न।
थेवबो नाथाय आं नोंखौ आंनि बे गोबाइ
देराखौ नुहर नायै गुसुस्थि फेहेरनाइ नड
होन्नायै अराय सम थैस थांस हास्थाइ
बाय लादोंमोन सना।
नाथाय नों दिनै आंनि हास्थायनायखौ
बेमा सोंनाय बादिसो सोंथेना दोनबाय
नेनानै दंमोन आं अनजाली सना नोंनि
फनैसो राव लाइजामनि गेजेरजों,
नाथाय नेयै नेयैनो आंनि गोर्ले सिडव
खामग्लियो बेसेबांबा दोहो दोहो जुजाइ
नि अर बादि रोहो-रोहो।
अनजालीनि फिन गांसेबो लाइजाम मोनैयाव।
नाथाय आं सानाखेमोन सासे
अनजालीनि मोजां मोननाया
बारसे बारनाय गलाब बिबार
बादि दसेनि समाइनाल
होन्नायै।
नुयो आं सिमां मोकथां रैरुब
महर मोखांखौ निजोम हराव
उन्दुनायाव।
जाखां फेयो अनजालीनि हाइनारि
महरा आंनि गोर्लेनि फरदायाव साया माया।
नाथाय अनजालीआ दिनै आंनो
होलांबाय सुखुनो हायै दुखुनि दोहोसो।
फोजाव हरबाय बियो दिनै आंनि
गोर्लेनि मोजां मोननाय अननायखौ
बेसेबांबा गिदिर लैथोनि दोहौ
गेजेर गेजेर अनजालीया।
होलांबाय बियो आंनो दुखुनि
मोदै! आंनि दुखुनि मोदैया
आंनोनाथो थांथोसे अनजाली।
होआ आं नोंनि गोसोआव जेबो
हेंथा! ला नों बे अनजालुजों गोर्लेनैनो
नाथाय आं मोनथिआखेमोन नोंनि
मोजां मोननाया मोनायाव जोंनाय सांग्रेमा
बादि दसेनि थाखाय स्रं ल होन्नायै
नाथाय आं दिनै मोनथिबाय सासे
अनजालीनि मोजां मोननाया
बारसे गेवलां बिबार बादि ल।

मुश्री निखलास मसाहारी
जिला- कक्राझार बि टि सि आसाम

(□ 1 बिलाइनिफ़्राय)

पेट्र्लियाम खाम मुवा दोन्थुमग्रा बाख्रि आरो संग्रा गेस बटलिं प्लान्टनि हा फुजा होदों

मावफुं सोद्रोमा, एमसिएलए आरो हिन्दुस्टन पेट्र्लियामनि बिथोनगिरि (मार्केटि) अमित गार्ग, मावफुं बिथोनगिरि श्रीधर गौरजों लोगोसे माखासे गोजू थारखोनि बिबानगिरिफोरा बाहागो लाफैदों। दिनैनि बे हा फुजा होनाय हाबाफारियाव रोजा-रोजा सुबुंफोरनि नुजाथि फैनायाव गेदेर बिटिआरनि गाहाइ मावफुं सोद्रोमा प्रमद बर’आ बाहागो लानानै बुंदोंदि, बेयो बे ओन्सोलनि सुबुंफोरनिल’ नड हादतनि गुबुन गुबुन ओन्सोलनि सुबुंफोराबे आथिखालयाव मिबथिनो मोदों। बे ओन्सोलयाव गोजोन थासारिया फैफिन्नायनि थाखायनो भारत सरकारजों लोगोसे राइज्यो सरकारआ बिटिआरआव बे 540 कौटि रॉनि गेदेर बिथांखि गायसन्नायनि थाखाय सिगांबोदों। बेनि थाखाय गाहाइ मावफुं सोद्रोमा बर’आ हादतनि गाहाइ मन्श्रि नरेन्द्र मदि, आसामनि गिबि मन्श्रि ७ हिमन्त बिश्व शर्मा आरो मिरु पेट्र्लियाव आरो मिथिंगा गेस बिफाननि राइज्योयारि मन्श्रि रामेश्वर तेलिखों साबायख’र बाउदों। बिटिआर गाहाइ मावफुं सोद्रोमा बर’ आ बुंवावदोंदि, बिटिआरनि गोजोन रदायनि उनाव बे ओन्सोलयाव गोजोन थासारिया गिदिंबोफिन्दों आरो बे गोजोननि थाखायनो भारत सरकारआ बिटिआरयाव बे 540 कौटि रॉनि गेदेर बिथांखिखों थिसन्नो हादों। बे थाखाय बिथाड हादतनि गाहाइ मन्श्रि नरेन्द्र मदि, गिबि मन्श्रि ७ हिमन्त बिश्व शर्मा, पेट्र्लियाम आरो मिथिंगा गेस बिफाननि राइज्योयारि मिरु मन्श्रि रामेश्वर तेलिखों साबायख’र बाउयों। मख’नो गोनांदि, चिरां जिल्लयाव हिन्दुस्तान पेट्र्लियामनि बे खाम मुवा दोन्थुमग्रा बाख्रि गायसन्नायनि गुदि हाबाफारिया थांनाय 2021-22 माइथायाव जागायजेन्दों। गुबुन गुबुन जाहोनाव बोसोरनै नाडै बिथांखिनि खामानिया थाद’दोंमोनब्लाबे सोलिफु फेब्रुवारी दाननि 3 अक्ट्खालि मिरु मन्श्रिआ चिरां जिल्लानि थांखिजानाय ओन्सोलखों नायफेदोंमोन आरो गोसैबो जेंनाखों बोस्त्रॉनानै दिनें बे 540 कौटि रॉनि बिथांखिनि हा फुजा होनायवा दान होग्रा आरो ओन्सोलनि राइजो-राजाफोरनि थुंलुंगाखांनायाव सरकारखों साबायख’र बाउयों। 3 बोसोरनि गेजेराव बे बिथांखिनि खामानिखों आबुं खालामनायनि थांखि लादों। बे बिथांखिनि गेजेरजों ओन्सोलयाव गोदनें खामानियाव थिसन्थाय फैगोन आरो खामानि गैयैफोर बायदि रोखोमनि खामानियाव थिसनजागोन होन्नानै बिथाड मख’यो।□

खामारदैसाआव मिरु रुपामनि बाथौ जथुम्मा ...

आलासि महैरै बाहागो लानानै हाग्रामा महिलारीआ बे बाश्राखों बुडे। बिपिएफ दोलोनि आफादगिरि हाग्रामा महिलारीआ बुडोदि, ‘‘असमीया समाजाव सत्र, नाम न’फोरा जैरै असमीया सुबुंफोरनि गोसो-गोबोंआव दड’, बर’ समाजावबो गोथार बाथौ धोरोम आरो बाथौ मन्दिरफोरा बर’फोरनि गोसो-गोबोंआव दड’।’’ रुपामनि बाथौ धोरोमनि मिरु आफादनि आफादगिरि धरुनिकान्त नाजरींनि आफादगिरि मासि सामब्लायनायाव खुंनाय गेवलां मेलखों गिबियाव बेखेवनानै होयो बिटिसिनि बाराग’ मावफुं सोद्रोमा सवराम बसुमतारिआ। मेलाव बड’लेण्ड मुलुगसोलोंसालिनि बाराग’ रेजिस्ट्रार ७ सेखर ब्रह्मआ जर’खा आलासि महैरै बाहागो लानानै बिबुंथि होयो। रुपामनि बाथौ धोरोमनि मिरु आफादनि बोसोनगिरि बल’राम ब्रह्म, बाराग’ पुलिस बिबानगिरि प्रदिप कुमार ब्रह्मआ थिखानाय बुंथिगिरि महैरै बिबुंथि होनाय गेवलां मेलाव बाराग’ एमएलए थानेस्वर बसुमतारि, मनेस्वर ब्रह्म, बिटिसिनि बाराग’ एमसिएलए देबजित नाजरीं, जतिन्द्र नाथ ब्रह्म, बाक्सा जिल्लानि उफ़्रा जिल्ला बेंगिरि अरुन कुमार ब्रह्म, गागि समाज सिबियारि नारायनि बसुमतारिजों लोगोसे माखासे गागि सुबुंफोरा आलासि महैरै बाहागो लायो।।’मनि बाथौ’नि गाहाइ सुजुगिरि चक्रधर ब्रह्मआ बराय बिबुंथि होनाय गेवलां मेलखों दैदेनो रुपामनि बाथौ धोरोमनि मिरु आफादनि गाहाइ नेहाथारि मनिन्द्र मुसाहारीआ। मख’नो गोनांदि, दिनें फुंबिलियाव बिष्णु यज्ञ खुंनाय जायो। बेनि अनगायैबो जथुम्मा थिलियाव बर’ हारिनि माहारियारि समायना-स्मायना हारिमु दिन्थिफुंनाय जायो। थांनाय 22 फेब्रुवारीनिफ़्राय सान 3 नि मेहेर गोनां हाबाफारिजों खुंनाय रुपामनि बाथौ धोरोमनि 44 थि मिरुआरि जथुम्मा आरो माघी पुणिमा फोबोंआव बायदि रोखोमनि हाबाफारि खुंनाय जायो। आसामनि दाब-दाब जायगाजों लोगोसे गुबुन राइज्योनि थान्दैफोरा बाहागो लानाय हाबाफारिनि दिनेंनि जोबथा सानाव रोजा-रोजा बाथौ धोरोम सिबियारि राइजो-राजाफोरा बाहागो लायो। गुबुन फार्सेंथि, जथुम्माथिलियाव बिटिसिनि बाराग’ गाहाइ खुंगिरि आरो बिपिएफ दोलोनि आफादगिरि हाग्रामा महिलारीआ खौरंगिरिनि सोंथिनि फिन्नायाव बुडोदि, ‘‘फैगौ लकसभा बिसायख’थियाव कक्राझार लकसभा बियाबाव एनडिएजों बिपिएफआ बिसायख’थिनि दावहा नांगोन। दर-उदालगुरि लकसभा बिसायख’थियाव बिपिएफ, कंग्रेस आरो एनडिए मोनथामबो दोलोननि गेजेराव गोखों जुजिल्लानाय जगोन। नाथाय मोननैबो बियाबाव बिपिएफ दोलोआ देरहासारगोन।’’□

1 15 थि माघी पुर्निमा आरो 1 6 थि स्वरुप स्टिटि फोसावदिं संसदनि जथुम

खुंनाय जायो। मेल खुंनाय उनाव आसाम आइन आफादनि बुंथिगिरि बिस्वजित दैमारिआ खौरंगिरिफोरनि सिगाडव बुंदोंदि, जॉनि बर’ समाजनि ब्रह्म धोरोमारिनि सुबुंफोरा बर’ समाजनि थाखायनो सिगांनिफ़्रायनो गोबां खामानि मावबोदों। जॉनि ब्रह्म समाजनि गुरु कालिचरन ब्रह्मआ जौसे बोसोर सिगांनिफ़्रायनो ब्रह्म समाजनि धोरोम आरो नेमखान्थिजों बर’ समाजखों सिगालांनो फोरेंदों। बेनि गेजेरजों दिनेंनि गोदान बर’ समाजआ आथिखालनि थाखोसिम सौहैनो हादों। बे हाबाफारिखों खुंनाय सा-सान्जा स्वरुप स्टिटि आफादखों बिथाड साबायख’र बाउयो। समाज सोदांनायनि बिथिडव बे आफादआ सिगांनिफ़्राय खामानि मावबोदों। दिनेंनि बे हाबाफारिनि गेजेरजों समाज सोदांनाय आरो सुबुं समाजनि गोजोन हास्थायनानै जॉनि समाजयाव गोजोन खोसेथिनि आबहावा गुंसोरहोगोन होन्ना बिथाड मिजिंथिदों। बेनि उनावनो बिटिआरनि बुंथिगिरि कातिराम बर’आ बुंदोंदि, सा-सान्जानि आफाद स्वरुप स्टिटिनि बान्जायनायाव आरो दरड जुलि गौथुमयारि बियाबनि एमसिएलए बिजित गोर नाजरींनि सामलायनायाव खुंजानाय बे हाबाफारिया ब्रह्म समाजनि गुरुदेब कालिचरन ब्रह्मनि सोजिथायाव गासैबो धोरोमयारिनि राइजो-राजाफोरा मोजां मोन्दों आरो गुरुदेब कालिचरन ब्रह्मनि गासैबो रोखोमनि सुबुं धोन सोजिनायनि बोसोन होनाय दिनेंनि बे मेलयावनो सावरायलाय जायो।□

कक्राझार आरो अन्थाइबारिआव 5 1 4 थि महाबीर चिलाराय सान फालिदों

सन्मिलनीनि थाखाय जोबोर दुखुनांथाव बाश्रादि, गिबि मन्श्रि हिमन्त बिश्व शर्मांआ दासिमबो बे रिपर्टखों मिरु सरकारनो दैथायहराखै। बेनिखायनो बिटिसिनि सिडव थानाय कच-राजबंशिफोरनि जौगाथायनि थाखाय मोनसे जौगाखां बर्ड दाफुंनो दाबि दैखाडे। बिटिसि खुंथायाबो जेबो रोखोमनि थांखि लायैनि लकसभा बिसायख’थियाव भटनि गेजेरजों फिनजाथाय होनो थाखाय समाय खिरा लाजदों होन्नानै बिथाड रोखा खालामनानै होयो। मख’नो गोनांगि, बिटिआर कच-राजबंसि सन्मिलनीनि कक्राझार दखर आफादनि बान्जायनायाव कक्राझारआव फुंबिलियाव फिरफिला बिरहोनानै सानसेनि हाबाफारिजों खुंनाय महाबीर चिलाराय सान फालिथायखों बेखेवनानै होयो बिटिआर कच-राजबंशि सन्मिलनीनि आफादगिरि लक्षिन्द्र रायआ। बेनि उनाव आलारि बाथि फोजोडे सन्मिलनीनि गाहाइ नेहाथारि निबास चौधुरी आरो महाबीर चिलारायनि सावगारियाव बिबार बाउजेनो सन्मिलनीनि लेडइ आफादगिरि अपुर्ब बर्मनआ। सानजौफुयाव कच-राजबंशिनि एसटि जेंना आरो बिटिआरआव कच-राजबंशि जौगाखां बर्ड दाफुंनायखों लानानै मोनसे सावराय मेल खुंनाय जायो।

गसाइगाव: मुलुगनां महाबीर चिलारायनि जोनोम गसाइगावनि अन्थाइबारियाव गाजा-गोमजायै खुंनाय जादों। ग्रेटार कचबिहार पिपुल्स एससियेसननि बान्जायनायाव गसाइगाव महकुमा सदर सोहोरजों नांजाबना थानाय अन्थाइबारियाव सान्नेनि हाबाफारिजों 514 थि मुलुगनां महाबीर चिलाराय सानखों खुंनाय जादों। हाबाफारियाव फिरफिला बिरहोनायजों लोगोसे चिलारायनि सावगारियाव बिबार मान बाउयें राइज्यो सभानि एमपि नगेन्द्र राय उर्फे अनन्त महाराजआ। हाबाफारियाव मुख्जंफोरनि गोसोखांथियाव मुख्जंफोरनो मान बाउयो। दिनेंनि हाबाफारियाव आसामजों लोगोसेनो सोनाब बंग’, बिहार, नेपाल, लोगोसे गुबुन गुबुन राइज्यो आरो माखासे जिल्लाफोरनि राइजो-राजाफोरनि नुजाथि फैनायाव चिलाराय सानखों खुंनाय जायो। हाबाफारियाव खौरंगिरिफोरजों मोगा-मोगि सावरायनायाव एमपि नगेन्द्र राय (अनन्त महाराज) आ सोनाब बंग’ सरकारनि हेथाये खुद्रिखांनाय आरो दुखु फोरमायनानै बुंदोंदि, भारतवर्षखों उदासि मोनहोनायाव नारायणनि सांन्थ्रिआ जोबोद बिहोमा दड्ब्लाबो दिनें मुलुगनां महाबीर चिलारायनि जोनोम सान फालिनायनि थाखाय बंग’ सरकारआ गनायथि होयाखै। बेनि थाखायनो समआ गोहोगोर होन्नानै समनि गेजेराव गासैबो गोहोआ गोख्रोंआ सिलिंदार जागोन। गुबुन फारसे लकसभा बिसायख’थिनि सिगां कचबिहारव सोलायथायनि मिजिंथिदों एमपि नगेन्द्र रायआ। लोगोसेनो नख’र मन्श्रि अमित शाहजों सावयप्लायदों होन्नानै बिथाड मख’यो।□

(□ 1 बिलाइनिफ़्राय)

खाब्रां गोरा बसुमतारिनि 3थि बोसोरारि थैनाय सान फालिदों

थानाय मैनागुरि लान्दांपारा गामियाव थानाय गावनि न’आव बिथां रंसारि खाब्रां गोरा बसुमतारिनि मावलांनाय आरो बिथांनि होलांनाय बिहोमाखों गोसो खानानै थामथि थैनाय सानखों नख’रनि सोद्रोमाफोरा ओन्सोलनि माखासे मेलेमजिबि, सानसुमै आरो राइजो-राजाफोरखों लानानै फालियो। गोसोखांथि सान फालिनाय हाबाफारि बायदियै गिबियाव रंसारि खाब्रां गोरा बसुमतारिनि मुसुखायाव बिबार बाउजेनो बिथांनिनो अनसुलि बिसि लिलाबति बसुमतारि आरो अनजालु फिसाज्ला मानिनां बसुमतारिआ। लोगोसे हाबाफारियाव बाहागो लाफैनाय साफ़्रोमबो आलासिफोरा फारि-फारियै बिबारजों मान बाउबो। गोसोखांथि सान फालिनायनि लोब्बायैनो खाब्रां बसुमतारिआ गुबुन गुबुन बिबान लानानै हारिनि, समाजनि आरो ओन्सोलनि थाखाय खामानि मावनायनि सायाव राइजो-राजाफोरखों लानानै मोनसे सावराय जथुमबो खुंनाय जायो। रंसारि बसुमतारिखों लोगो मोनबोनाय गोबां लोगो आरो बिथांनि सोमोन्दै मोजां मिथिनाय गोबां आलासिफोरा रंसारि खाब्रां गोरा बसुमतारिनि खामानि मावलांनाय आरो बिहोमानि सोमोन्दै राइजो-राजाफोरनो फोरमायना होलाडे। मख’नो गोनांदि, गोसोखांथि सान फालिनायनि लोब्बायैनो रंसारि खाब्रां गोरा बसुमतारिनि गोसोखांथिनि मुडै समनि अरखि खाब्रां गोरा बसुमतारि मुनि गांसे बिसम्बबो दिहुन्नानै बेखेवनाय जायो।□

बाजेट जथुमाव साउतालफोरखौ थगायनायनि अजद दैखांदों ..

आसाम सरकारा फिन साउतालफोरनो गावनि संबिजिरारि मोन्थायनिफ़्राय जानगराव दोनबोनायनि फरायसा आफादआ गोखों रावजों सोंखारिदों। दुलाराइ साउताल फरायसा आफाद एसुनि मिरु आफादनि गाहाइ नेहाथारि रिमान चरेनआ दिनें गांसे रदाव बिबुंसारनि गेजेरजों सरकारनि बाजेट जथुम्मायाव साउतालफोरखौ थगायनायनि अजद दैखानानै बुडोदि, साउताल रावआव गुदि सोलोंथाइ होनैया साउतालफोरखों मान गैयै खालामनाय जादों सिगां थांखि आजावदोंमोनब्लाबो साउताल रावनि फारसे सरकारा गोनांथि होयाखै। राइज्यो सरकारनि केबिनेट थांखिखों मोकथां महर होनायनि रहा लानो सम मोनै सरकारनि बिबाना लेखा-कलमआवबो सिमा गोनां जानानै थाबाय होन्नानै फोरमायो। हारि-माहारिनि फारसे जेबो बिबानखौ मावफुडै बे सरकारा मिसिं, राभा, देउरि बायदि रावआव सोलोंथाइ होनायनि मोन्थाय होबाय। नाथाय भारतआरि संबिजिरनि 8 थि फारिलाइयाव सोसनजानायनि उनावबो साउताल रावखों गथायनानै होया, साउताल रावआव सोलोंथाइ होयैया साउतालफोरखों मान गैयै खालामनाय जादों होन्नानै रदाव बिबुंसारनि गेजेरजों फोरमायो। रदाव बिबुंसारआव मख’बावनाय बादिब्ला, साउताल रावआ थांनाय 1948 माइथायनिफ़्रायनो गोजू फरायसालि थाखोसिम सोलोंथाइ होनायनि फोरमान बिलाइफोरा आसाम सरकारनि आखाइयाव दड’। बेनि उनावनो साउताल बिजोंआव सोलोंथाइ होनायनि रहा लानायनि सोलायै आसाम सरकारा साउतालफोरखों गावसिनि मोन्थायनिफ़्राय जानगराव दोनबोनाय जाथायखों दुलाराइ साउताल फरायसा आफादा माल्बाबाबो सहायनाय नड होन्नानै दुलाराइ साउताल फरायसा आफादआ हुमखि होयो।□

लफुंजानाय मावथांखिफोर बेखेवदों एम सि एल ए सन्जय..

बेखेव हाबाफारियाव एमसिएलए स्वर्गियारिजों लोगोसे हरिसिड ब्लक कमिटि इउ पि पि एल राजखान्थि दोलोनि आफादगिरि रबिन्द्र बाग्लारिजों लोगोसे दोलोनि दैदेनगिरि हरिसिड भि सि डि सिनि मासिगिरि हेमां बर’ आरो हरिसिड सहराव दखान होनानै जिउ खंनाय उन्दै-गेदेर फालांगिरि आरो ओन्सोलनि गोबां मेलेमजिबि राइजो-राजाफोरखोंबो बाहागो लाफैयो। एमसिएलए स्वर्गियारिया फोरमायनाय बायदिब्ला, थांनाय 17 बोसोराव आथिखालनि बेरेखा दोलोनिफ़्राय हरिसिड बियाबयाव एमसिएलए, बिटिसिनि बुंथिगिरि एमएलए बायदि जानानै थांनायनि उनावबो हरिसिडा बियाबआव जेबो रोखोंमनि सोलायनायखों नुनो मोन्नाय जायाखैमोन। नाथाय बिटिसिनि खुंथाइ गोहोयाव थानाय प्रमद बर’ दैदेन्नाय सरकारनि दिनाव गोलाव सम राइजो-राजाफोरखों हान्था-मेला बिथिडव जेंना लाबोनाय डेउलगुरि सकनिफ़्राय हरिसिड सहरसिम फैनाय पिडब्लिउडि लामाया लुफुंजाबाय, बिटिआर गोरोबथानि दफा बायदियै हरिसिडानि सिडव थानाय आरो बिटिआर हालामनि फरायसा-फरायसुलि बिथांमोनहा गुबुनाव थांनानै नार्षि कर्स खालामहैनो गोनांखों नोजोर बोनानै दफा बायदियै पेरामिडिकेल कलेज लुफुनो फैगौ समाव आम्बागावआव अन्थाइ खाम्फा गायसन्नाय आरो गोबां जौगालु बिथांखिफोरखों बिटिआर सरकारनि दिनाव लाबोनो हाबाय होन्नानै फैगौ समाव हरिसिड ओन्सोला बयनिखुइबो जौगा सिन्नाय बियाब जागोन होन्नानै गावनि बेखेव बिबुंथिआव बुंथिना होयो।

बेराफारसे ओन्सोलनि राइजो-राजाफोराबो स्वर्गियारि बिथाड थांनाय 3 बोसोराव हरिसिडयाव गोबां सोलायनाय लाबोनो हानया थारैनो बाखाय जाथाव जादों होन्नानै गोलाव समनिफ़्रायनो हरिसिड ओन्सोलाव नुजाथिनाय लामा-दालां, हान्था-मेलानि राहाफोरा मोनसेनि उनाव मोनसे बोस्त्रॉजागासिनो आरो फैगौ समाव बेनिखुइ बांसिन सोलायनाय फैगोन होन्नानै मिजिंथिनायखों राइजो-राजाफोरा फोरमायदों।□

रामफलबिल आन्सलिक स्पर्टस एस सियेसननि बान्जायनायाव साननैनि हाबाफारिजों सेथि

आफादगिरि बिजित कुमार नाजरींआ बेखेवनानै होनायनि उनाव गेलेनाय बादायलायनाय हाबाफारिखों बेखेवनानै होयो रामफलबिल दख’रा गेलेमु गौथुमनि गाइसनगिबि आफादगिरि हरकेस्वर दैमारिआ। दिनेंनिफ़्राय जागायनाय बे गेलेमु बादायलायनायाव ओन्सोलनि गोबां उन्दै-उन्दै लाइमोन गेलेगिरिफोरा बाहागो लाफैदों।□

लकसभा बिसायख’थियाव गनायथिजायै धोन बाहायनायखौ सहायनाय नडः राजिब कुमार

गोनांथार आरो दफ़्रोमबो जिल्लानि कमिसनार आरो गासैबो एनफर्समेन्ट एजेन्सिफोरखों बुंदोंदि, आयगआ गेनाखान्थि उदां बिसायख’थि खुंनो हास्थायदों। जोडे उदां, गोग्गो आरो साखोन-सिखोन बिसायख’थि खुंनो लुबैदों। लुबैहोनाय एबा लभ दिन्थिनाय उदां होन्ना बुंनायखों जोडे फोरमायनो सान्दोंदि, बिसायख’थियाव गनायथि जायै धोन बाहायनायखों सहायनाय नड होन्नानै गाहाइ बिसायख’थि कमिसनार राजिब कुमारआ फोरमायदों। बुथ सामलायनायनि सोमोन्दै गाहाइ बिसायख’थि कमिसनार राजिब कुमारआ बुंदोंदि, जॉनि माखासे बुथफोरा पिडब्लिउडि मावसुमाफोरनि गेजेरजों सामलाय जागोन। लोगोसेनो माखासेआ आइजो आरो माखासेआ संग्रा-सिख्लाफोरनि गेजेरजों सामलायजागोन। बिथाड बुंदोंदि, बेनि थांखिया जाबाय बिसोरखों गोख्रों खालामनाय, बिथाड बुंदोंदि, गंफ्रोमबो भट मिरुयाव लोंग्रा दै, मोब्लिब, खिखरसालि, व्हील सियारफोरजों लोगोसे सरासनस्त्रा खाबुफोरखों मोनहोनाय-खाबु थागोन।□

उदालगुरियाव मिरु बर’थुनलाइ आफादनि 6 4थि बोसोरारि जथुम्मानि बान्जाय ...

मेलेमजिबि राइजो-राजाफोरखों लानानै दिनेंनि बे बान्जाय आफाद दानाय समाव आसाम आइन आफादनि बुंथिगिरि बिस्वजित दैमारि, बिटिआर नि मावफुं सोद्रोमा दावबायसा बर’ आरो गाहाइ लिंथुमगिरि महैरै जौस्त्रां बर’ बिथांमोननो होनाय जायो। बिबान होनाय जायो बान्जाय आफादनि बिबानखौबो मिरु बर’ थुनलाइ आफादनि आफादगिरि सुरथ नाजरीं बिथाड गथायनानै होयो। बिबान आजावनायनि उनाव आसाम आइन आफादनि बुंथिगिरि दैमारिया राइजो-राजाफोरनि सिगाडव बुडेदि, फैगौ 2025 माइथायाव उदालगुरि जिल्ला डिमाकुचियाव खुंजानो गोनां मिरु बर’ थुनलाइ आफादनि 64थि बोसोरारि जथुम्मानि बान्जाय आफादनि मासिगिरि बिबानखों मोन्नो हानया गावनि थाखाय खाफाल गोनां जादों आरो बेखैं जागायनायनिफ़्राय जोबथा बुक्लिसिम जाफुंसार होनो थाखाय हाजासे नाजालांगोन आरो खामानि मावगोन होन्नानै फोरमायो आरो बे हाबाफारियावनो थांनाय तामुलपुर जथुम्मायाव हादतगिरिखों लाबोनो हादोंमोन। बे खेबआव हादतनि गाहाइ मन्श्रि नरेन्द्र मदिखों गेवलां मेलाव गाहाइ आलासि महैरै हांख्राइनानै लाबोना बर’ हारिनि राव हारिमु थुनलाइ बायदिखों बिथांनि सिगाडव दिन्थिफुंनो थाखाय दिनेंनिफ़्राय खामानिखों जागायनाय जासिगोन होन्नानै बुडे आरो डिमाकुचियाव जानो गोनां हाबाफारिया गुबुन गुबुन थावनिफोराव खुंबोनायनिखुइ आलादा आरो हारिनि गेजेराव जारिमिनारि हाबाफारि महैरै सिनायथि गोनां जागोन होन्नानै फोरमायदों। उदालगुरि जिल्ला बर’ थुनलाइ आफादनि आफादगिरि मानेक बसुमतारिनि मासि आजावनानै दैदेन्नाय सावराय जथुमआव मिरु बर’ थुनलाइ आफादनि लेडइ आफादगिरि प्रसान्त बर’ गाहाइ नेहाथारि निलकान्त गयारि, दुलाराय बर’ हारिमु आफादनि आफादगिरि भिजुवेल नेलसन दैमारि, दुलाराय बर’ फरायसा आफादनि सुबुं फोनांजाब नेहाथारि लहित चन्द्र बर’, उदालगुरि जिल्ला दुलाराय बर’ फरायसा आफादनि आफादगिरि-गाहाइ नेहाथारिनिफ़्राय लानानै मावफारिया सोद्रोमा बिथांमोनजों लोगोसे जिल्ला आफादनि सिडव थानाय दख’रा एबसु आरो ओन्सोलनि गोबां दैदेनगिरि मेलेमजिबि राइजो-राजाफोराबो हाबाफारियाव लोब-लोब फैना जाफुंसार होनायखों फैयो। मख’नो गोनांदि, दिनेंनि हाबाफारिजों लोब्बा लाखिनानैनो बर’ थुनलाइआव अराय बिजाब लिरना सोरजिनायनि गेजेरजों थुलुंगा होबोनाय गागि लिरगिरि हरिसिड ओन्सोलनि लिनी बसुमतारिया लिरना दिहुन्नाय ‘‘रैरोथोन’’ सुंद’ सल’मा बिजाबखोंबो राइजो-राजाफोरनि सिगाडव बेखेवना होयो मिरु बर’ थुनलाइ आफादनि आफादगिरि सुरथ नाजरीं बिथाड।□

बिसिया ऑखाम खुरना होयैनि फिसाइआ से खावसे दाननि खुदियाखौ बुथारदों

कक्राझार पुलिसआ दायनिगिरि बिफा कृष्ण मिन्सखों खानायजों लोगोसे बिजिरिगिरिनि नुजाथिनाया खुदियानि गोथै सहखों बोखानानै पस्ट मर्टेम आन्जाद खालामनो थाखाय दैथाय हरो। लोगोसे दायनिगिरिआ हाखर जावनायाव बाहायनाय सिखाखोंबो पुलिसआ बोखाडे। कृष्ण मिन्सनि बिसि सनामयि मिन्सआ खौरं बिजॉनि सिगाडव फोरमायनाय बादिब्ला, गुबुन सानफोरनि बायदिनो फिसाइ कृष्णआ जौ फेदोंमोन आरो न’नि खाथियाव थानाय लामायाव उन्दुनानै थानायखों सासे सुबुड खौरं होदोंमोन। नाथाय से खावसे खुदियाआ ग’गा मोन्नायनि थाखाय फिसायखों लायनो थाड लासेनो उन्दुनानै थायो। हरनि से रिंगायाव फिसाइ कृष्णआ न’याव फैयो आरो बिसिखों ऑंखाम खुरनानै होनो थिनो। नाथाय बिसिया ऑंखाम खुरनानै होयैयाव कृष्णआ बिसिजों लोगोसे गुबुन साथाम गथ’साफोरखों बुलाय-सौलाय खालामो। जौ फेनानै बिसिनि सायाव गार्लोबनाय समाव देरसिन फिसाजोआ न’ सिंनिफ़्राय बिमारखों बोनानै लाबोयो। उनाव जौ फेनाय फिसाइआ बिसिनायाव उन्दुनानै थानाय से खावसे दाननि खुदियाखों बुथारो। बे जाथायनि सोमोन्दै सनामयिआ गामिनि गामि बोरायनो फोरमाय हैनायाव बे जाथायनि सायाव गाबोन नायबिजिरागोन होन्नानै सनामयिखों बुथारजानो गिनानै गावनि न’याव लाखियो। नाथाय अखानायै जाथायनि बागै गामि बोरायनो खौरं हरनायखों मिथिनानै फिन बिसिनि सायाव गार्लोबनायजों लोगोसे से खावसे दाननि उन्दै खुदियानि गोथै सहखों न’ खाथिनि थाइजौ बिफां सिडव फबना दोनो। नाथाय दायनिगिरि बिफा कृष्णआ गथ’साखों गाव बुथाराखै, ग’गा मोन्नानै हां लानो हायैनि जाउनावसो थैदों होन्नानै दाबि खालामो। थांनाय साननै-सानथामनिफ़्रायनो गथ’साया ग’गा मोन्नायनि थाखाय सानसे सिगां अजानाव लांदोंमोन आरो मैया मुलि लाबोनानै होदोंमोन होन्नानै फोरमायो। बिसि सनामयिआ जौ लॉनानै सानफ्रोमबो बुलाय-सौलाय खालामनो होन्नानै अजद दैखानायखों कृष्णआ नंखाय होन्ना दाबि खालामो। गुबुन फार्सेंथि, बे सुबुंथि गैयै जाथाया ओन्सोल नाडैनो गोखों फिनजाथाय सोमजिहोदों।□

कर्नाटकनि बेलगावीयाव लामा जाब्रबथाइजों सा 6 सुबुंनि जिउ ख’हा

बेलगावी, 24 फेब्रुवारी : कर्नाटकनि बेलगावीनिफ़्राय 90 किल’मिटर गोजान डत जांबटी रडआव मोनसे गिदिर लामानि जाब्रबथाइ सोमजिदों, जेराव सा 6 सुबुंफोरा जायगायावनो जिउ गोमायो। पुलिसनि मिबथिहोनाय बायदिब्ला, जाब्रबथाइ जानाय कारनि सालायंगिरिया गावनि सामलायथाइखों खोमादोंमोन आरो साखाथियाव लाखिना थानाय साखा खबने गारिफोरखों सौख्लायहैंयो। बे समाव पार्किं खालामना दोन्नाय गारिनि सेराव गसंना थानाय सानै सुबुंफोरा गोब्राब जोखोम जायो। बिसोरखों देहा फाहामसालियाव थिसन्नाय जादोंमोनब्लाबो सासेया फाहामथाइ होबाय थानाय समावनो जिउ गोमायो। बिसोरखों हनमन्त मलप्ला माल्यागलनि देहा फाहामसालियाव थिसन्नाय जादोंमोन, जेराव सासेया जिउ गोमायो। फारसेथिं पुलिसआ

फोरमायदोंदि, जाब्रबथाइयाव गारि सिंनि साबा सुबुंफोरा जायगायावनो जिउ गोमायो आरो गुबुन सासेया देहा फाहामसालियाव जिउ गोमायो। खौरं मोन्नाय बायदिब्ला, थैनाय सुबुंफोरखों एकनाथ बिमप्या पदतारी (22), माल्लिकार्जुन रामप्या मराठे (16), आकाश रामप्या मराठे (14), लक्ष्मी रामप्या मराठे, (19) आरो नागता लक्ष्मन यादभन्नावर (48) होन्ना सिनायथिनो हादों। मुरगंड पुलिसआ जाब्रबथाइनि मोनसे केस थिसनो। बेलगावी जिल्लानि पुलिस कमिसनार भिमाशंकर गुलेडआ बुंदोंदि, थांनाय सान्थामनि गेजेराव जिल्लानाडै गुबुन गुबुन जाब्रबथाइ जानायाव सा 25 सुबुंफोरनि जिउ गोमादों। बिथाडा सुबुंफोरखों हान्था-मेलानि नेम-खांथिफोरखों मानिना सोलिंनो, जोबोद गोखै गारि सालायनायखों नागारनो आरो सुबुंफोरनि जिउ रैखा खालामनो थाखाय खावलायदों।□

भाग्यश्रीनि फिसाय हिमालयखौ बिसिनि जोनोम सान फालिनायाव रमान्क जानाय नुनो मोन्दों

भाग्यश्रीआ गावनि गिबि सावथुनफ्रायनो मुलुगनाडे मुंदांखा जानो हादों। बिथाडा हिमालय दासनीजों जुलि जादोंमोन। आरो इन्डास्ट्रीफ्राय ब्रेक लादोंमोन। आधिखालाव फिन खेबसेबाव बिथाडा फाव खालामनायनि मुलुगाव फेफिनबाय। गावनि जिउ राहायारि बिथिडाव भाग्यश्रीआ जेब्लाबो हेडलाइआव जायगा लायो। नाथाय दिने बिथाडा गावनि जिउनि थाखाय खौराडव दं। गुबैयै फावखुंग्रिआ 23 फेब्रुवारी 2924 खालि 55 बोसोर बैसोआव आगान होबाय। बे फालिथाइखौ बांसिन जुनिया खालामनो थाखाय भाग्यश्रीआ गावनि जोनोम साननि पाटि



खुंदों। बे पाटिआव माधुरी दीक्षीतफ्राय अनुपम खेरसिम गोबां सेलिब्रिटिसफोरखौ नुनो मोन्नाय जादों। भाग्यश्रीआ गावनि जोनोम सानखौ पेपाराजीनि सिगाडाव केक हादों। बे समाव हिमालय दासनीखौ गावनि बिसिजों रमान्क जानायखौ नुनो मोन्नाय जादों। पज होनाय

समाव हिमालय दासनीआ गिबियाव भाग्यश्रीखौ साइडनिफ्राय गोबाना लायो आरो उनाव बिनि खालायाव

अजय देबगानआ थांनाय 10-12 बोसोराव गोबां गोसोम जादु एबा सरासनस्त्रा नडै खामानिफोरजों जुजिदों

थांनाय माखासे बोसोरफोरव फावखुंग्रु अजय देबगाननि सावथुनफोरा बक्स अफिसआव दोहौ गोनां जागासिनो दं। 2022 माइथायाव फोसाव जानाय 'दृश्यम 2' सावथुना बिथानि केरियारखौ दावगाहोदों। बिनि उनाव बिथानि दिथा होनायाव बानायनाय 'भौला' सावथुनखौ मार्च 2023 माइथायाव फोसावनाय जादों, जाय टिकट उइनदीआव मोजाडै नो जागायदों। आधिखालाव बिथाडा 'सेतान' सावथुनजों नुजानो थांगासिनो, जायनि ट्रेलरआ बावैसो सिगां फोसाव जादों। बावैसो समफोरव अजय देबगानआ गावनि फकासखौ रमान्क कमिडि सावथुनफोरनिफ्राय बैफोर सावथुनफोरव सोलायदों, जेराव नख 'रखौ' गोनांथि होनाय जायो। बिथांखौ आधिखालाव सेतान सावथुनाव गावनि नख 'रखौ' गाञि नोजोरनिफ्राय रैखा खालामनाय नुनो मोनगोन। आरमाधवनआ बे सावथुनाव सेताननि फाव खालामनाय, बिथानि गिखंथाव महरखौ ट्रेलराव नुनो मोन्नाय जादों। सावथुननि ट्रेलरआव आर माधवनखौ अजय देबगाननि नख 'रखौ' फान्दायनो थाखाय तात्रिक गियान आरो गोसोम जादु बाहायनाय नुनो मोन्दों। बे सावथुननि ट्रेलरा सशेल मिडिया आब बेखौ लानाने दान्थे-बिदाथे जागायदों। जेब्लावबो सशेल मिडियाआव एक्टिभ थाप्रा कंगना रनौतआ इन्सटाग्राम स्ट'रियाव मोनसे पस्टखौ रि-शेयार खालामनाय बिलिउडनि सेलेब्रिटिफोरनि सायाव थांखिदों। बावैसो सिगां बियो मोनसे पस्टखौ रि-शेयार खालामनाय मोनसे बिबुंथिनि थाखाय खौराडाव फेदों। तेजास सावथुननि फावखुंग्रि कंगनाय बिलिउडनि माखासे मुंदांखा सेलेब्रिटिफोरनि सायाव गोब्राव दाय जाबसिनदों। बावैसो सिगां फावखुंग्रिया मोनसे पस्ट शेयार खालामनाय बुंदोंमोनदि, माखासे सुबुंफोरा डार्क वेबखौ बाहायना वाटस एपखौ हेक खालामो। कंगनाहनि बे बिबुंथिनि उनाव

खुदुमो। गुफुर खसाब गान्ना दुइनि खालामनाय बे लाबि जराया गावसोरनि केमिस्ट्रीजों अन्सायगिरिफोरनि गोसोखौ बोनो हायो। माधुरी दीक्षीतआबो भाग्यश्रीनि जोनोम सान फालिथायाव बाहागो लायो। बिथांखौ लेदारनि स्कार्ट, टप आरो गोजा जेकेटजों जोबोद समाइना नुदोंमोन। पाटिनि उनाव भाग्यश्रीआ गावनि लोगो माधुरी दीक्षीतखौ बायजोसिम दोनबोयो आरो पेपाराजीनो गोबां पजबो होयो। साने

फावखुंग्रिफोरनि गेजेराव मोनसे जुनिया सोमोन्दोखौ नुनानै अन्सायगिरिफोरबो मोजां मोनो। मिथिहोनाय जायोदि, भाग्यश्रीआ 1990 माइथायाव हिमालय दासनीजों जुलि जादोंमोन। बिथांमोनहा सासै फिसाफोर अभिमन्नु आरो आबनतिका दं। भाग्यश्रीनि सानैबो गथ 'फोरा गावसोरनि बिमा बायदिनो फाव दिन्थिनायाव गावसोरनि मोनसे सिनायथि बानायनो नाजागासिनो दं।



अन्सायगिरिफोरनिफ्राय जोबोद अन्सायनाय मोनगासिनो दं। बावैसो सावथुननि ट्रेलर लन्व हाबाफारि खुंफुनाय जादों। बेवहाय अजय देबगानआ नुंगुबै जिउनि सरासनस्त्रा नडै खामानिनि गावनि मोन्दांथि फोरमायदों। अजय देबगानआ बुंदोंदि, बिथाडा सरासनस्त्रा नडै खामानिफोरखौ नेवसिनो हाया। बिथाडा गावनि केरियारनि थांनाय 10-12 बोसोरफोरव बेबादि मोन्दांदों। बिथानि जिउआव बेबादि गोबां समफोर दंमोन जेब्ला बिथानियाव बे मोन्दांथिया दंमोन। नाथाय बिथाडा रोखा नडांमोनदि, बेयो खालि बिथानि नंखाय फोथायनायल' ना मोखाडावबोमोन। बिथाडा बुंदोंदि, बिथाडा जोबोद बाडाइ सुबुंफोर मोन्दों, जाय गोसोम जादु एबा सरासनस्त्रा नडै खामानिफोरव फोथाया। बे सावथुननि गाञि फाव खालामनाय आर माधवनआ अजय देबगानखौ बाखायदों आरो बुंदोंदि, बिथाडा गावनि

नुथाइनिखुइ सावथुनफोराव बांसिन गोसो होयो। आर माधवनआ बुंदोंदि, बिथाडा गोरलैयैनो बे सावथुननि मुंखौ गावनि आखुनि मुडाव दोन्नो हायोमोन, नाथाय बिथाडा गावनि (आर माधवन) नि आखुखौ नायनानै टाइटेलखौ लाखिदों। अजय देबगान आरो आर माधवननि अनगायैबो साउथनि फावखुंग्रि ज्यतिकारखौबो बे सावथुननि स्टा कास्टआव नुनो मोनगोन। बे सावथुना 8 मार्चआव रिलिज जागोन

माहाम देहानि राहा

मिलेट गाइखेरा निरामिस आदार जाग्राफोरनि थाखाय मोजां आदार


मिलेटआ जॉनि सावसिखौ गोबां बिथिडाव मुलाम्फा होयो। बेनि मुलाम्फानि थाखाय सुबुंफोरा बेखौ गोबां बिथिडाव गावसोरनि आदारनि मोनसे बाहागो बानायो। मिलेट गाइखेरा बेफोरनि गेजेराव मोनसे, जाय जुनारनि गाइखेर लोड बिसोरनि थाखाय मोनसे मोजां राहा। मिलेटआ जॉनि सावसिनि थाखाय जोबोद मुलाम्फा गोनां। सुबुंफोरा सावसि गोनां थानो थाखाय गोबां खामानि मावो। आधिखालाव मुखुब जिउ खुंनारनि जाहोनाव मानसिफोरनाव वार्कआउट बायदिनि थाखाय बारा सम गैया। बोबायदि थासारियाव सुबुंफोरा गावसोरनि आदारनि हेफाजाबजों गावखौ जेसेबां हायो एसेबां सावसि गोनां खालामनो नाजायो। गाइखेरा गावखौ मोजाडै लाखिनो थाखाय मोनसे मोजां राहा। बेयाव थानाय केलिसयामआ बे गे'फोरखौ गोखों खालामनायाव मदत खालामो। नाथाय गोबां जाहोनाफोरनि थाखाय सुबुंफोरा गाइखेर लॉनो हायाखै। बेबायदि थासारियाव प्लान्ट बेस मिल्कआ गाइखेरनि मोनसे मोजां आरो सावसि गोनां राहा। मिलेट गाइखेरा बेफोरनि गेजेराव मोनसे, जाय सावसिनि थाखाय जोबोद मुलाम्फा गोनां मानोना



बेयो जाग्रा आदारजों बुंफबनाय। मिलेट गाइखेर लॉनारनि माखासे मुलाम्फाफोरखौ मिथिना लानि- (1) डाइजेस्टिब सावसिनि थाखाय मोजां: मिलेट गाइखेरखौ डाइजेसननि थाखाय जोबोद मोजां होन्ना मानिनाय जायो। बेयाव थानाय फाइबरनि बिबाडा खांथि बायदियै आंत्र सोमावसारनायखौ बांहोनाय आरो कनस्तेजखौ होबथानानै डाइजेसननि सावसिखौ सावसिन खालामनायाव मदत खालामो। (2) ब्लाड सुगारखौ सामलायो: जुदि नोंथाडा सासे डाइबेटिक बेरामि अब्ला मिलेटनि गाइखेरा नोंथांनि थाखाय जोबोद मुलाम्फा गोनां जागोन। गुबैयै, बेवहाय मोनसे एसेल' ग्लाईसेमिक इन्डेक्स दं, जाय देहायाव ब्लाड सुगारनि थाखाय सामलायनायाव आरो इन्सुलिन होबथानारनि खैफोदखौ बाडाइ खालामनायाव मदत खालामो। (3) लेक्ट'ज फ्रि: लेक्ट'ज

सेनसिबिटि गोनां सुबुंफोरनि थाखायबो बेयो मोनसे मोजां राहा। लेक्ट'ज गोनां दिहुन्थाइफोरनिफ्राय बारा'नो थाखाय गाइखेर गैयै राहा नागिरिफोरनि थाखाय मिलेट गाइखेर मोनसे मोजां राहा। (4) हाइप' एलर्जिनिक: मिलेट गाइखेरा हाइप'एलर्जिनिक, जाय बेखौ बादामनि एलर्जि गोनां सुबुंफोरनि थाखाय मोनसे मोजां राहा, जाय बादाम एबा काजुनि गाइखेर जानो हाया। (5) बिगुरनि सावसिनि थाखाय मोजां: मिलेट गाइखेरा जॉनि सावसिनि थाखायल' नडा, बिगुरनि थाखायबो जोबोद मुलाम्फा गोनां। बेयाव थानाय एन्टी अक्सिडेंटआ फ्रि रेडिकेलफोरजों जुजिनायाव मदत खालामो आरो बिगुरनि सावसि लाखिनायाव बिहोमा होयो आरो बैसो जानायनि नेसॉनफोरखौ बाडाइ खालामो।

तेरी बातों में उलझा जिया सावथुननि अर्जिनाया शुक्रवारखालि बांसिन जादों



शाहिद-कृतिनि रमान्स आरो कमेडिजों आबुं सावथुन तेरी बातों में उलझा जियानि इडनिक कन्सेप्टखौ सुबुंफोरा जोबोद मोजां मोन्दों। बिसोरनि सिजलिं दिन्थिफुंनारजों समायफ्लेनाय बे सावथुनआ रिलीजनि 2 सप्ताह उनावबो नायगिरिफोरखौ थिएटरआव गोसो बोनानै लानोनायाव जाफुंसारनो हादों। अदेबानि सावथुननि रं अर्जिनायाव दावखोलाय-फवसायलायखौबो नुनो मोन्दों। अब्लाबो तेरी बातों में उलझा जिया सावथुनआ बक्स अफिसआव इन्स्टाटेमन्ट खालामनानै लाखिलादों। सासे सरासनस्त्रा सुबुं आरो रबटनि लाभ स्टरिआ सुबुंफोरखौ मिनिहोदों आरो गुबुन फासै बक्स अफिसआवबो गोखों रं अर्जिनो हाँ। बे सावथुनआ थांथाय साननेआव फारिये 1.7 आरो 1.8 कौटि रं अर्जिदों। बृहस्पतिबाखालि सावथुननि डेमोस्ट्रिक फालांगिया जोबोद खम जादों। बेरफासै शुक्रवारखालि फिन खेबसेबाव सावथुनआ मोजां रोखोमनि रं अर्जिनानै गोखों रं अर्जिनो हाफिन्दों। सेकनिलकआव होनाय जागायजेनाय अन्जमानि बादिब्ला, बे सावथुनआ शुक्रवारखालि 2.30 कौटि रं अर्जिनो हादों। बेनि सिगां बृहस्पतिबाखालि 1.7 कौटि रं अर्जिदोंमोन। अदेबानि बृहस्पतिबाखालि शुक्रवारआव बांसिन रं अर्जिनो हादों। सावथुनआ रं अर्जिनायनि बिथिडाव 70 कौटिखौ बारलांनो हायाखै। आधिखालाव सावथुननि अर्जिनाया जाय बादिदै आगवायदों बेखौ नोजोर होयोब्ला 100 कौटिसिम अर्जिनो हागोनखौ गोजान नुहरो। सावथुनआ बैसिम अर्जिनो थाखाय सप्ताहने सम नांवावोनो हागौ।

बलिउडआव डार्क वेबनि गेजेरजों आइन बेरेखा खामानि सोलियो होन्ना कंगना रनौतआ बुंदों



कंगना रनौतआ बि-टाउननि गोखों फावखुंग्रि, जाय गावनि बिबुंथि होनायनि थाखाय खौराडाव साग्लोबसारना थायो। बलिउड सेलेब्रिटिफोरनि सायाव सोंखारिना बाथ्रा बुंनया एबा समाजयारि-राजखांथियारि आयदाखौ लानाने बाथ्रा बुंनया, बियो मोनफ्रोमबो आयदायावोनो गिया जासे उदादै बाथ्रा बुंनयायनि थाखाय मिबिथिजायो। फावखुंग्रि

अनसाइजानाय सावथुन मुलुगनि सेलेब्रिटिफोरा बिनि हुदा जाबाय। बिसोरो बैयावनिफ्राय आइन बेरेखा स्टाफखौ बाहायनायनि अनगायै वाटस एप आरो मेल बायदि गासैबो टेलिकमफोरखौबो हेक खालामनायसिनो दड। बेनि सायाव गोखों नायबिजिरोब्ला गोबां गिदिर आरो मुंदांखा सुबुंफोरनि मुडा सोराडाव फे'गोन होन्नाबो कंगनाया बुंदोंमोन। मख 'जाथावदि, माखासे सम सिगांनिफ्रायनो कंगना रनौतआ बि-टाउननि फावगिरिफोरखौ थांखिबोदों। धाकड, तेजास, थलाइवी बायदि सावथुनफोर जाफुंसारनो हायैनि उनाव फावखुंग्रि कंगनाया गावनि फे'नो गोनां सावथुनफोरनि थाखाय जानजि खारफादों। बिखौ थाबैनो इन्डिया गान्धीनि आखुआव इमार्जैन्स सावथुनआव नुनो मोनगोन। बे

जों बयबो रंसारि फावखुंग्रि श्रीदेबिनि मै तेरी दुश्मन, दुश्मन तु मेरा, मै नागिन, तु सपेरा बे मेथाइखौ उन्दै समाव गोबां खेब खोनाबाय जानांगौ। दिनेसिमबो नोंथाडा बे मेथाइखौ गोरलैयैनो खोनासंनो हागोन। नागिन सावथुना बे मेथाइ सावथुननि सल' आरो श्रीदेबिनि फाव खालामनायनि थाखाय मोनसे मुंदांखा सावथुन जादों। दिथागिरि हरमेश मल्लहा, जाय 70 जौथाइफोरव बेटी, गहर आरो संग्राम बायदि सावथुनफोरखौ बानायदोंमोन। बिथाडा 1986 माइथायाव नागिन मुंनि मोनसे सावथुन बानायो। बे सावथुननि उनाव जिबौनि सायाव बिथा खालामनानै सावथुन बानायनायनि फालांगिया गोबाडैनो दावगादोंमोन। श्रीदेबिआ नागिन सावथुनआव इच्छाधारी नागिननि फाव खालामदोंमोन आरो गिदिर फैसालियाव

श्रीदेबिआ इच्छाधारी नागिननि फाव खालामनायनि थाखाय गोबां जेनाफोरजों मोगा-मोगि जानांदोंमोन



जों बयबो रंसारि फावखुंग्रि श्रीदेबिनि मै तेरी दुश्मन, दुश्मन तु मेरा, मै नागिन, तु सपेरा बे मेथाइखौ उन्दै समाव गोबां खेब खोनाबाय जानांगौ। दिनेसिमबो नोंथाडा बे मेथाइखौ गोरलैयैनो खोनासंनो हागोन। नागिन सावथुना बे मेथाइ सावथुननि सल' आरो श्रीदेबिनि फाव खालामनायनि थाखाय मोनसे मुंदांखा सावथुन जादों। दिथागिरि हरमेश मल्लहा, जाय 70 जौथाइफोरव बेटी, गहर आरो संग्राम बायदि सावथुनफोरखौ बानायदोंमोन। बिथाडा 1986 माइथायाव नागिन मुंनि मोनसे सावथुन बानायो। बे सावथुननि उनाव जिबौनि सायाव बिथा खालामनानै सावथुन बानायनायनि फालांगिया गोबाडैनो दावगादोंमोन। श्रीदेबिआ नागिन सावथुनआव इच्छाधारी नागिननि फाव खालामदोंमोन आरो गिदिर फैसालियाव


एनिमेल सावथुननि दिथागिरि सन्दीप रेडि भांगाआ सलमान खानजों मोनसे सावथुननि बिथांखि लानो हागौ

बलिउडनि सुपारस्टार फावखुंग्रु सलमान खाननि दोहौखौ जेरावबो नुनो मोनो। बक्स अफिस, सशेल मिडिया, पारब्लिक प्लेस जेरावबो बिथाडा गावनि स्टाइलजों थारैरो अन्सायगिरिफोरनि गोसोखौ बोनो हायो। एनिमेल सावथुननि जाफुं सारनायनि उनाव सन्दीप रेडि भांगाआ गावनि फे'नो गोनां सावथुननि फारसे गोसो होदों आरो बे

सावथुन दिहुनिगिरि सन्दीप रेडि भांगाखौ फैबाय थानाय समाव सलमान खानजों सावथुन बानायनाय नुनो मोनगोन। सन्दिप रेडि भांगांनि बे सावथुना मोनसे डार्क एक्सन ट्रिलर जागोन, जेराव सलमान खाननि स्टाइलखौ गिखंथाव नुनो मोनगोन। बबेखानि बे आयदानि सायाव दासिमबो जेबो मावख'आरि रोखा खालामनो हानाय जायाखै। जुदि जों सलमान खाननि फे'नो गोनां सावथुनखौ नायो, अब्ला बेयाव दा बवल सावथुननि मुंखौ सोफानाय जादों। सावथुन दिहुनिगिरि करण जौहरआ भाइजाननि बे सावथुनखौ दिहुनिगासिनो, जेराव हायुंआरि सावथुन बान्था मोन्नो हानाय दिथागिरि बिष्णु वर्धना दा बुल सावथुनखौ दिथा होगोन। बेखौ बुंनया जादोंदि, थाबैनो सलमान खाननि बे सावथुननि सेबखानायाबो जागायगोन।

डब्लिउ पिपल 2024 नि बेखेवनाय हाबाफारियाव शाहरुख खानआ दोहौ दिन्थिदों

उमेन प्रिमियार लीग 2024 (डब्लिउपिपल 2024) नि अपेनि चेरमनिया बेंगालुरुनि चिन्नाश्वामी स्टेडियमआव 23 फेब्रुवारीखालि जागायो। बे जागायनाय फोर्बोखौ बलिउडनि बादशाह शाहरुख खानआ आलादा दोहौजों गोमसारहोयो। किं खानआ डब्लिउ पिपल 2024 खौ समायनाय दिन्थिफुंनारजों लोगोसे बेखेवयो। केप्टेनफोरजों लोगोसे सिग्नेचर पज होनानै 'पाठान' सावथुननि देंखोजों दोहौ गोनां मोसानानै फावखुंग्रु प्रिमियार लीगनि अपेनि फोर्बोखौ आरोबाव मेहेर गोनांसिन खालामो। शाहरुख खानआ गावनि पारफर्मन्सखौ पाठाननि गोखों आरो मुंदांखा डायलजजों जागायो। बियो स्वेग आखुजों बुडोदि, जुदि पाटैया पाठाननि न'आव खालामजायोब्ला आलासि सिबिनायनि थाखाय पाठानआ



फैखागोन आरो मोसागोन, गुबुनखौबो मोसाफाहोगोन आरो

रंजागोन। बेनि उनाव शाहरुख खानआ पाठाननि 'झुमे जो पठान' देंखो आरो जवाननि 'छैया छैया' देंखोयाव दोहौ गोनाडै मोसायो। बिनि एनाजिटिक पारफर्मन्सआ नायगिरिफोरखौबो मोसाखांहोदों आरो बिनि दोहौ गोनां लुकखौ नुनानै बिखौ रवबो 58 बोसोर बैसोनि होन्ना बुंनया नडा। शाहरुखनि मेनेजार पुजा ददलालीया शसेल मिडियाआव बादशाहनि डब्लिउ पिपल 2024 नि लुकखौ शेयार खालामदों। किं खाननि सावगारिखौ नुनाय लोगो-लोगो सुबुंफोर सोमोनाडे आरो बुडे बिखौ 25-30 बोसोरनि लाइमोनसो नुदों। बै समाव बियो अल ब्लेक आउटफिट गान्दोंमोन आरो गल्डेन स्टार्स गोनां बेल्ट खादोंमोन। गोलाव खानाय गोसोम सचमा आरो गोखों पारसिलिखौ नुनानै बिनि अनसाइगिरिफोरनि गोसोआव रंजाखंदों।

लकसभा बिसायख'थिनि थाखाय आप आरो कंग्रेसआ आखाइ हमलायबाय

गोदान दिल्ली, 24 फेब्रुवारी: लकसभा बिसायख'थिनि थाखाय आम आदमी पार्टी आरो कंग्रेसनि गेजेराव जुथाइ दोलो दाबाय। बे जुथाइ दोलोन गेजेरजों दिल्लीयाव आम आदमी पार्टीआ गोदान दिल्ली, सोनाब दिल्ली, खोला दिल्ली आरो सान्जा दिल्लीआव बिसायख'थि गेलेगोन। बेराफारसे कंग्रेसआ सान्जा दिल्ली, सा-सान्जा दिल्ली आरो चान्दनी चौकनि मासिखौ मोन्दें। बेजों लोगोसे गवायाव मोन्दें मासिफोराव कंग्रेस पार्टीआ बिसायख'थि गेलेगोन। बेराफारसे गुजरातनि मोन 24 मासिफोराव कंग्रेस पार्टीआ




गावसोरनि बिजाथि फसंगोन। आरो मोनै सिटफोराव आपनि बिजाथि फसंगोन। बेजों लोगोसे हारियाणानि मोन 9 मासिफोराव कंग्रेसनि बिजाथिफोराव फसंगोन। फारसेथिं कुरुक्षेत्रनि लकसभा सिटनिफ्राय आम आदमी पार्टीआ गावसोरनि

बिजाथि फसंगोन। दासिमाव चन्डीगढ़नि लकसभा सिटआ आम आदमी पार्टीनि बेंखनाव थांगोन होना गनायना लानाय जादोंमोन। नाथाय आधिखालाव बेबादि जायखै। मानोना बेयावनिक्राय कंग्रेस पार्टीनि बिजाथिफोराव गेजेराव रादाय खायाखै। बेयाव मोनै दोलोआ

गावसोरनि हेंथायै बिसायख'थि गेलेगोन। बे जुथाइ दोलोखौ फोसावनानै मोनैबो आपनि दैदेनगिरि सन्दीप पाठकआ बुडोदि, दिनैनि गोखों सरकारखौ खु'थाइनिफ्राय बोख्लायनो थाखाय बयखौबो खौसे जानायनि गोनाथि दड। बिथाड बुबावदों दिने हादतआ जोबोद गोब्राव थासारिजों भुगिनांगसिनो दड। मिरु आरो बिजेपि सरकारा बिसायख'थिफोरखौ खावलायगासिनो दड। बेनि सिगां आम आदमी पार्टीआ माखासे सिटफोराव गावसोरनि बिजाथिफोरखौ खायाखै। बेयाव मोनै दोलोआ फोसावदोंमोन।

आमेरिकायाव गोदान नर' भाइरासआ गोख्रैयै गोसारदों

वाशिंगटन, 24 फेब्रुवारी: करना जिउसाया चीननिफ्राय गासै बुहुमाव गोसारनायनि उनाव आमेरिकायाव मोनसे गोदान जिउसाया सुबुंफोरखौ जेनायाव खोख्लैगासिनो दं। बेजिउसानि मुख नर' भाइरास। गोरलै रावाव बेखौ 'उन्टार बुमिटिं बग' आरो 'स्टमाक फ्लु' बो बुनाय जायो। गोबानाय आरो डायेरिया बायदि जेनाया बेजिउसाजों सुबुंफोरखौ गोहोम खोख्लैयो। सेन्टार फर डिजिज कन्ट्र'ल एन्ड प्रिभेन्सन (सीडीसी) आ बुडेदि, उदैन जिउसा, जायखौ सरासनस्त्रायै नर'भायरास बुनाय जायो। आधिखालाव आमेरिकानि सा-सानजा ओनसोलाव गोख्रैयै गोसारगासिनो दं। डिसेम्बर



2023 माइथायनिफ्राय नर' भाइरासनि केसफोरा गोख्रैयै नुजागासिनो दं। सीडीसीनि बायदिक्ला, आमेरिकायाव रिपट खालामजानाय नर' भायरासनि केसफोरा गोबानाय, डायेरिया, उदै एबा बिबुनि बुनाय, गोब्राव गेस्ट'एन्टेराइटिस आरो जानायनि जेनाफोर थिसनदों। बे बेरामा जायखिजाया बैसोनि सुबुंफोरखौ गोहोम खोख्लैनो हागौ आरो बे जिउसाया गोख्रै आरो गोरलैयै गोसारो। सी.डी.सी. नि बोसोन खाथिनि बायदिक्ला, नर' भायरासनि लैखोनफोरा सरासनस्त्रायै सन्देनयनि 12 निफ्राय 48 घन्टा उनाव नुजायो। बांसिन सुबुंफोरा 1-3 साननि गेजेराव

हामो नाथाय माखासे साननि थाखाय सन्देरा थायो। बेयो सासे सन्देरजानाय सुबुंनि खि एबा गोबानाय गनाय फिसा फिसा गुनद्रासाफोरनि गेजेरजों गोसारो। नर' भायरासआ सोरबा सन्देरजानाय सुबुंजों थोंजों सोमोन्दोनि गेजेरजों गोसारो, जैरें जोथोन लानाय, जाग्रा आदार एबा आइजें-आइलाफोर रानलायनाय, एबा गावसोर बानायनाय आदार जानाय। सासे सन्देरनाय सुबुंजों सोमोन्दोआव फेनाय आदारनि गेजेरजों गोसारो। रिपटनि बायदिक्ला, नर' भाइरासनि गोसारनायखौ होबथानो थाखाय साखोन-सिखोननि जुनिया जोथोन लानांगौ। गोसारनायखौ

होबथानो थाखाय आखाइखौ साबोन आरो दैजों मोजाडे सुनांगौ। जि-जोम सुनो थाखाय गुदुं दै बाहायनांगौ आरो बायजोनि आदार जानायनिफ्राय गोजानाव थानांगौ। सीडीसीनि खारि बायदिक्ला, नर' भायरासआ जुथाइ राइन्च्यो आमेरिकायाव बोसोराव 19 निफ्राय 21 मिलियनसो बेरामनि जाहोन जायो। जेराव नभम्बरनिफ्राय एप्रिलसिम बयनिखुइ बांसिन सन्देरनाय केस मोननाय जायो। बोसोरफोमबो नर' भायरासनि जाहोनाव सा 109,000 सो सुबुंफोरा देहा फाहामसालियाव थिसनजायो आरो सा 900 सुबुंफोरा थैयो।

पाकिस्ताननि राजखान्थियाव गुलुं-गुजुंआ दासिमबो जोबनानै थाडाखै

इस्लामाबाद, 24 फेब्रुवारी : पाकिस्ताननि राजखान्थियाव दासिमबो गुलाइ-गुजाइया सोलिगासिनो दड। बेयाव माब्ला सरकार दागोन बेखौ दासिमबो रोखा जायाखै। बेनि गेजेरजों 2 मार्चनि बाथ्रा बुंगासिनो दड। फारसेथिं बिसायख'थियाव बयनिखुइ देरसिन पार्टी महरै ऑखारबोनाय इमरान खाननि पार्टीयावबो गाहाम थासारि सोलियाखै, जायजों इमरान खाननि पार्टीखौ हादतनि सुबुंफोरा बयनिखुइ बांसिनै हास्थायदों। बेनि पार्टीयावबो गुलुं-गुजुआ जागायदों। इमरान खाननि

इसारायाव बिनि पार्टी पिटिआइनि आफादगिरि गौहर खानखौ आफादगिरि मासिनिफ्राय बोखारना होनाय जाबाय। लोगोसे बिनि जायगायाव सासे गोदान बिजाथिनि मुख नुजाथिदों। खौरनि बायदिक्ला पाकिस्तान तहरीक-ए-इन्साफ (पिटिआइ) नि गागि दैदेनगिरि अपजल माखातआ बुंदोदि, बेरिस्तर गौहर आलि खानखौ गाञ्जियै दिन्थिनायनि जाहोनाव आगुनि इमरान खान पार्टीनि आफादगिरि मासिनिफ्राय बोखारना होनाय जाबाय। बिथाड बे बिबुंथिखौ जेलआव जोबथेजानाय आगुनि



गाहाइ मन्थि खाननि पार्टीया जानो गोनां सरकारखौ दानो हानाय नडा होन्ना रोखा जानायनि उनाव बुंदों। गौहरआ थानाय बृहस्पतिवारखालि फोसावोदि, पिटिआइ पार्टीनि उननि आफादगिरि मासिनि बिजाथिया बेरिस्तर आलि जपर

आरो पार्टीनि इन्टारिम बिसायख'थिया फेगौ 3 मार्चआव जानांगौ। पाकिस्तान बिसायख'थि आयग आरो सुप्रिम कर्टआ पार्टीनि इन्टारिम बिसायख'थिफोरखौ आइन बेरेखा होन्ना फोसावदोंमोन। बेनि उननिफ्राय आगुनि खुंथायाव थानाय पार्टीनि जौसिन मासिया 1 दाननि बांसिन समनिफ्रायनो लादां जानां थायो। बे बिसायख'थिफोरनि उनाव आफादगिरि महरै सायख'जानाय गौहरआबो आधिखालाव बे पार्टीनि गाहाइ जानां गैलिया। जेनाजों बे'खनजानाय सरासनस्त्रा बिसायख'थियाव पिटिआइनि मदतगिरि उदां बिजाथिफोरा नेशनेल एसेम्ब्लियाव बांसिन मासि देरहादोंमोन। नाथाय पाकिस्तान मुस्लिम लिग-नवाज (पिएमएल-एन) आरो पाकिस्तान पिपुल्स पार्टी (पिपिपि) गोदान जुथाइ दोलोया सरकार दानो थाखाय खुंथाइ शेरार खालामनायजों सोमोन्दो गोनां रादायनि सायाव गनायथि जालायो। जायजों खाननि खुंथायाव फेफिन्नायनि सन्देह'आ जोबना थाडो। पिटिआइनि गोदान बिसायख'थि हाबाफारि बायदिदियै पार्टीनि इन्टारिम बिसायख'थि गेलेनो गोसो जानाय बिजाथिफोरा 23 आरो 24 फेब्रुवारीयाव गावसोरनि निमिनेशन बिलाइखौ गथाइनो हागोन।

पेकेटनि आटाया देहानि थाखाय गाहाम नडा

गोदान दिल्ली, 24 फेब्रुवारी : आधिखालाव सुबुंफोरा मार्केटआव मोनग्रा पेकेटखौ बाहायो। जर'खायै मेट्र सिटिजफोराव थाग्रा सुबुंफोरनयाव बेनि अनगायै गुबुन अप्सन गैया। नाथाय नोंथाड मिबनिथानै गोमोगोनिदि, जाय रुटिखौ मोजां स्वादजों लोगोसे जायो बे रुटिया नोंथाखौ लासै लासै बेमारि खालामगासिनो दड। बेजों नोंथानि देहानि सायाव गोबां गोहोम गोरलैयो। मार्केटआव मोनग्रा पेकेटनि आटयाव माखासे रोखोमनि प्रिजबैरिथ मोननाय जायो आरो बेखौ गोबां गोबाव समनि थाखाय लाखिनाय जायो। लोगोसे गोबां उन्नायनि जाहोनाव आटनि गासै देरहोप्रा-लावहोप्रा गुणफोरखौ फोजोबो। सुलुनि बायदिक्ला, बे आटयाव थारैनो पाइबार गैयैनि समान बेबायदिदाव पेकेटनि आटनि रुटिखौ दोगोन खालामनाया गोब्राव जायो। आटाखौ गुफुर खालामनो थाखाय माखासे खेव



बेयाव गाञ्जि क्वालिटिनि माइरं मिक्स खालामना होनाय जायो। बेराफारसे आटाखौ गोबाव समसिम गाञ्जि जानायनिफ्राय रेखा खालामनो थाखाय केमिकेलबो बाहायनाय जायो। गोबाव समसिम पेकेटआव बोन्ना नै दोनजानाय आटा जानायजों गुफु देहा डायबेटिज आरो दोगोनजों सोमोन्दो गोनां बेमारफोर बांनो हागौ। सावस्त्रिनि थाखाय थारैनो बे आटया गाहाम नडा। जुदि नोंथाड गावनि देहाखौ लानानै एलार्टआव थायोब्ला बेनिखुइ सिगां गावनि आटाखौ सोलायनानै लानो हागोन। सावस्त्रिनि गाहामनि थाखाय आटाखौ सोलाय-

सोल' खालामना जानांगौ। बेनि थाखाय माल्टी ग्रेन्ट आटाखौबो बाहायनो हागोन। नाथाय बे आटाया पेकेटनि नंगो ना नडा बेखौ नोजोर लाखिनांगोन। बेनि थाखाय खाथि-खालानि गुडामफोरनिफ्राय आटाखौ लांनो हागौ, जेराव आटाखौ उन्नाय जायो। मानोना गडामआव उन्नाय आटाया उदै आरो दोगोननि थाखाय साबसिन जायो। लोगोसे गोबां फाइबर थानाय आटा जानायजों गुफु देहाया खम जायो आरो डाइबेटिजखौ कन्ट्रुल खालामनायाव मदत मोनो। लोगोसे बेयो देहानि थाखाय साबसिन जायो।

आमेरिकानि चन्द्रयानआ अखाफोराव लेन्डिं खालामनायनि उनाव बेल्थायदों



वाशिंगटन, 24 फेब्रुवारी: आमेरिकानि मोनसे गावयारि कम्पनीआ अखाफोराव यानखौ बाग्लायहोनांनै जारिमिन सोरजिदों। बेयो गिबि खानु, जेब्ला बबेबा गावयारि कम्पनीनि यानआ अखाफोराव बाग्लायो। आधिखालाव बे अखांमा यानआ अखाफोरनि सा बाहागोआव बाग्लायनायनि उनाव बेल्थायो। बेजों जिंगाया बाडे। नाथाय रेहायनि बाथ्राया

बेनोदि, बेल्थायनायनि उनावबो बियो गाहामैनो दड'। बे गावयारि आमेरिकान अखांमा याननि मुख अडिसियास। बेयो लेन्डिं उनाव अखाफोरनि खोला दुलुरुखावनि खाथियाव बाग्लायो। नाथाय अखाफोरनि सायाव बाग्लायनाय समाव बे यानआ बेल्थायो आरो अखाफोरनि सा बाहागोयाव गोरलैसोना थायो। शुक्र बारखालि कम्पनीआ

बुडेदि, ग्राउन्ड कन्ट्रोलरआ खट डेटा आरो सानि सावगारिफोरखौ डाउनलड खालामनायनि खामानि मावगासिनो दड'। मख'नो गोनांदि, अडिसियास खौ बिगियानफोरनि जौगाखानायखौ फिन्नाय होनो थाखाय डिजाइन जौगाखां मुन लेन्डारसिन मोनसे गोदान हान्जोनि थाखाय गिबि जाफुं सारनाय महरै गनायना लानाय जायो, जाय अर्टेमिस हाबाफारिनि गेजेरजों अखाफोरजों आमेरिकानि अखांमा दावबायारिफोरनि फेफिन्नायनि लामाखौ सां खालामगोन। थानाय दानाव आमेरिकानि गुबुन मोनसे आमेरिकानि कम्पनीफोरनि मुन मिशनखौ फेलें खालामो।

थोंजोडे गसनांनै दडमोन। मख'नो गोनांदि, अडिसियासखौ दासिमबो बिगियानफोरनि जौगाखानायखौ फिन्नाय होनो थाखाय डिजाइन जौगाखां मुन लेन्डारसिन मोनसे गोदान हान्जोनि थाखाय गिबि जाफुं सारनाय महरै गनायना लानाय जायो, जाय अर्टेमिस हाबाफारिनि गेजेरजों अखाफोरजों आमेरिकानि अखांमा दावबायारिफोरनि फेफिन्नायनि लामाखौ सां खालामगोन। थानाय दानाव आमेरिकानि गुबुन मोनसे आमेरिकानि कम्पनीफोरनि मुन मिशनखौ फेलें खालामो।

ट्रेक्टरनि टूली बेल्थायनानै सा 22 सुबुंफोरनि जिउ गोमादों

कासगन्ज, 24 फेब्रुवारी: कासगन्ज जनपदनि पाटियाली ओन्सोलाव ट्रेक्टर टूलीआ बेल्थायनानै सा 22 सुबुंफोरनि जिउ गोमानायनि उनाव कसा गामिआव दुंहाव थासारि सोमजिदों। बेनि खाथि-खालानि गामिफोरवबो सुबुंफोर होंगो-दोंगो थुबुर जादों। जात्रथायजों भुगिनांनय सुबुंफोर गामिनिनो बीर पालनि फिसाज्जलानि मोनसे हाबाफारिनि थाखाय गंगाजीआव थानो थान्दोंमोन। गंसे ट्रेक्टर टूलीआव

गासै सा 54 सुबुंफोरा गाखोनानै थान्दोंमोन। नाथाय लामा ससेआव ट्रेक्टर टूलीआ अभावर लड जानानै बेल्थायो। टूलीआ बेलेस गोमानानै बेल्थायनायाव थैनाय सुबुंफोरनि गेजेराव बीर पालनि बिसिआबो दंफायो। बियो 50 बोसोर बैसोनिमोन। गिखं थाव जात्र थायाव सासे 10 बोसोरनि हौवासा कार्तिक आरो 2 दाननि हिन्जावसा गथ' आन्सुनीआबो जिउ गोमायो। ट्रेक्टर टूलीजों



थानाय सुबुंफोरा गुबुन गुबुन गामिनिमोन। कसा, किरिया, रौरि आरो बरार गामिनि गासै सा 54 सुबुंफोरा बे टूलीजों गाखोलां दोंमोन। रौरि

गामिनिफ्राय साब्रँ आरो किरिया गामिनिफ्राय सानैल' सुबुंफोरा थान्दोंमोन। जात्र थायजों भुगिनांनय बांसिन सुबुंफोरा बुरि आइजो

भिदु देबिनि नख'रनिमोन। जात्रथायनि सायाव खुंथाया सा 54 सुबुंफोरनि मुं फारिलाइ फोसावदों। जात्र थाय जानाय जायगानिफ्राय माखासे गोथे सहफोरखौ बोखांनो हानाय जायाखै। जात्र थाय जानाय जायगानि साखाथियाव थानाय फुखिआव गोथे सहआ गोदोनानै थान्दों होन्ना सन्देह खालामनाय जादों। थैनायफोरनि गेजेराव आइजो आरो उन्दैफोरनो बांसिन।

रेल, मेट्र, बास, टल पार्किनि पेमेन्ट होनाया गोरलैसिन जासिगोन


गोदान दिल्ली, 24 फेब्रुवारी: पाब्लिक ट्रान्सपोर्टजों दावबायग्रा दावबायारिफोरनि थाखाय गोजेन्थाव खोरं। आधिखालाव रेल, मेट्र, बास, टल पार्किनि पेमेन्टखौ गोरलैयै होनो हासिगोन। अदेबानि भारतीय रिजार्भ बैंकआ बैंकफोर आरो एनबिएफसिनो गुबुन गुबुन पार्कि ट्रान्सपोर्टनेम-खाथिफोरनि थाखाय रं होनायखौ लानानै पिपिआइ फोसावनो गनायथि होबाय। पिपिआइ एबा प्रि-पेड कार्डनि गेजेरजों रांखौ सिगाडवनो होनाय जायो। बेखौ ल। बोन। यजो. दावबायारिफोरनियाव भार होनो थाखाय नोगोद रंनि अनगायै गुबुन राहा थागोन। आरबिआइआ मोनसे खौराडव

बुडोदि, बेनि गेजेरजों दावबायारिफोरनो सिबिथाइ होनो थाखाय रेखाथि गोनां सुबिधा गोनां आरो डिजिटल पेमेन्ट होनायनि सुबिधा होगोन। हादत नाडै रइज्योयारि हान्था-मेल। नेम-खाथिफोरा सानफ्रोमबो गोबां दावबायारिफोरनो सिबिथाय होयो। बे बिथांखिनि गेजेरजों पिपिआइयाव ट्रान्जिट सार्थिस, टल आरो पार्टीजों सोमोन्दो गोनां अटमेटेड फेयार कालेक्सन एप्लिकेशन थागोन। पिपिआइआ जेबो केवाइसि फोसावदिं खालामा जासे बेखौ फोसावनो हागोन। पिपिआइयाव पैसा सोबावनो हागोन। पिपिआइयाव आद्रा थानाय रंआ जायखि जाया समाव 3,000

निखुइ बांसिन जानाय नडा। पिपिआइआ अरायथा महरै थागोन। बेयाव नोगोद रं होनाय, रिफान्ड एबा फान्ड ट्रान्सफारनि गनायथि होनाय जानाय नडा। पिपिआइआ मोनसे रंखाथियायि जेन्थोर, जेराव सिगांनिफ्रायनो पैसा सोनानै लाखिनाय जागोन।

इउक्रेनआ रासियानि गुबुन गंसे बिरखंखौ गावख्लायदों

कियेभ, 24 फेब्रुवारी: रासिया आरो इउक्रेननि गेजेराव दावहाया जोबनानै थाडाखै। दिने 24 फेब्रुवारीखालि दावहाया 2 बोसोर आबुं जाबाय, नाथाय बेनि गेजेरावबो दावहाया जोबनानै थाडाखै। बबेखानि सोनाबयारि हादरफोरनि हेफाजाबजों इउक्रेनआबो रासियानि गाग्लोबनायनि फिन्नायखौ होगासिनो दड। बावैसोनि जाथायाव, इउक्रेनआ रासियानि गुबुन मोनसे बिरखंखौ गावख्लायदों होन्ना नै फोरमान होदों। इउक्रेननि अखां साथिनि गाहाइआ बुंदोदि, साथि हान्जाया शुक्रबारखालि रासियानि गंसे बिरखंखौ गावख्लायदों।



जेनेरेल गायक'ला आलेश्युका रासियानि ए-50 बिरखंखौ गावख्लायनायाव मदद खालामनायनि थाखाय इउक्रेननि साथि एजेन्टफोरखौ साबायख'र बाउदों। जुदि रोखा खालामनाय जायो एक्ला से दाननि बांसिन समनि गेजेराव बेयो बेबादि बिरखंखौ गावख्लायनायनि नैथि जाथाय। इउक्रेननि मावख'गिरिफोर बुंदोदि, हादरनि साथि हान्जाया 14 जानुवारिआव आजभ लैथोनि सायाव गंसे ए-50 बिरखंखौ गावख्लायदों।

भारतीय क्रिकेट हान्जाया इंग्लेण्डनि हेँथायै ब्रैथि मेचआव नोर्जियायै दिन्थिफुंदों

गोदान दिल्ली, 24 फेब्रुवारी: खेब 5 मेच टेस्ट सिरिजनि ब्रैथि मेचआ भारत आरु इंग्लेण्डनि गेजेराव जागासिनो दड। इंग्लेण्डनि हान्जाया सिगांग्रो बेटि खालामनानै 353 रानआव आउट जादों। भारतीय हान्जानि लोरबाथिफोरखौ नुनो मोन्दों। मानोना भारतनि बलारफोर हान्जाखौ इंग्लेण्डनि बेरेखायै मोजा जागायहोदों ब्लाबो गावसोरनि लोरबाथिफोरखौ जानगायव लाखिनो हायाखै। इंग्लेण्डनि बेरेखायै रान्सि टेस्ट मेचआव इंग्लेण्डनि हान्जाया मोनसे समाव जोबोद गात्रि थासारिआव दडमोन। भारतनि हान्जाया 5 उडकेटआव इंग्लेण्डनि हान्जानो 112 रान स्करल' होदों मोन। नाथाय बाथि उडकेटनि थाखाय गोखैयैने



इंग्लेण्डआ 241 रान दाजाबदों। जायनि फिथाइ महै हान्जानि रानआ 353 सिम सोहैदों। बे सिरिजनि गिबि मेचआवबो बेबादि थासारिआनो नुजादों मोन। इंग्लेण्डनि गेलेगिरिफोर बे सिरिजआव खेबथामल' 100+ रान दाजाबदेदों आरु गासै खेबथाम 100 राननि बांसिन बाहागोदारि रान लानायनि

फारिआव भारतआ होबथानायव फेलें जादों। रान्सि टेस्टआव 8 थि उडकेटनि थाखाय जो रुथ आरु रबिन्सननि गेजेराव 102 राननि बाहागोदारि रान सरजाबनाय बादिनो हाइद्राबाद टेस्ट मेचआव 6 थि उडकेटनि थाखाय अलि पप आरु बेन पक्सआ 112 रान लाखिदों। थामथि बाहागोदारि मेच महै

रुथआ रान्सि टेस्टआव बेन पक्सजों 113 रान लादों। बेबादि थासारिआव भारतीय हान्जानि बलारफोरनि खेबथामबो बलिंआव लोरबाथि दिन्थिफुंनया जोबनायथि फोरसानआव फेदों। रुथआ ब्रैथि टेस्ट मेचनि गिबि सानआव आउट जायालासे 100 रान लानानै पेभिलियनसिम गिदिबोदों।

निरज चप्राआ टडसा स्पर्टस पार्सन अफ दा इयार बिमुनि थाखाय सायख'जादों

गोदान दिल्ली, 24 फेब्रुवारी: शुक्र बारखालि लखनौआव जालानाय मोनसे हाबाफारिआव टाइम्स अफ इन्डिया स्पर्टस एवार्डस 2024 आ गुबुन गुबुन गेलेमुफोराव भारतीय गेलेगिरिफोरनि मोजाडै दिन्थिफुंनया आरु मोनफुनायफोरखौ लानानै मोनसे जर'खा हाबाफारिनि रंजनाय लायो। बे हाबाफारिआव जाग्निमारि महै देरहानायनिफ्राय लानानै जाखांफु नाय गेलेगिरिफोरनिसिम हादरनि मुंदांखा गेलेगिरिफोरखौ मान होनाय जायो। जेभलिन खुबैनायाव सोलिफु वर्ल्ड सेम्पियन निरज चप्राआ बुदापेस्ट वर्ल्ड एथलेटिक्स सेम्पियनसिप आरु एसियान गेम्सआव जाफुंसारै देरहानायनि थाखाय स्पर्टस पार्सन अफ दा इयार आरु एथलीट अफ दा इयार मोननैबो बान्थानि थाखाय सायख'जादों। पेग गेम्सनि केटेगिआव सुमित



अन्तिल आरु शितल देबिखौ जुथायै जेभलिन खुबैनाय आरु पेग आसारी महै पेरा स्पर्टस पार्सन अफ दा इयार बान्थानि थाखाय सायख'यो। अन्तिलआ पेरा वर्ल्ड एथलेटिक्स सेम्पियनसिपआव जाग्निमारि सनानि बान्था आरु पेरा वर्ल्ड आसारी सेम्पियनसिपनि अनगायै एसियान गेम्सआव देबिआ मोजाडै दिन्थिफुंनयनि थाखाय बेबिमुनि थाखाय सायख'जादों। मुंदांखा ट्रेक एन्ड फिल्ड एथलीट पिटि उषाआ मुंदांखा महै केरियारआव जाफुंसारनायनि थाखाय लाइफ टाइम एसिभमेन्ट बान्थाजों मान होजादों। बिथाड गावनि केरियारनि समाव एसियान गेम्सआव गंनै सना आरु गं 7 रुफानि मेडेल

देरहादों मोन। बेडमिन्टनि फोथारआव सिराग शैति, सात्विकसाइराज रेन्किरेड्डु, एडसएस प्रनय, पिथि सिन्धु आरु गुबुन गेलेगिरिफोरा साबसिन बिहोमानि थाखाय मानजों बरायजादों। सिगम शैति आरु सात्विकसाइराज रेन्किरेड्डुआ डबल्स प्लेयार अफ दा इयार बान्थाजों मान होजादों। जेराव एडसएस प्रनयआ बोसोरनि सिंगेल गेलेगिरि बान्थानि थाखाय सायख'जादों। आइजोफोरनि केटेगिआव गायत्री गधिचान्द आरु त्रिचा जलीआ डबल्स प्लेयार अफ दा इयार बान्थानि थाखाय सायख'जादों। जायनि फारिआव पिथि सिन्धुआ बोसोरनि सिंगेल गेलेगिरि महै मान होजादों।

महम्मद स्वामी आरु दिप्टि शर्माआ फारियै होवा आरु हिन्जावफोरनि केटेगिआव क्रिकेट अफ दा इयार बिमुंजों सिनायथि होजादों। चेसनि फोथारआव बिब'-फंबाय आरु प्रजानन्द आरु आरु भैशालिआ चेस प्लेयार अफ दा इयार बान्थानि थाखाय सायख'जानो हादों। भारतीय होवाफोरनि 4x400 मिटार रिंले हान्जाया वर्ल्ड एथलेटिक्स सेम्पियनसिपआव एसियानि रेकर्डखौ सिफायनो हानायजों लोगोसे एसियान गेम्सआव सनानि मेडेल देरहानायनि थाखाय टीम अफ दा इयार बिमुनि थाखाय सायख'जादों।

एफआइनि आफादगिरिआ 2036 अलिम्पिकआव एथलेटिक्सनिफ्राय बांसिनै मिजिंथि लादों

गोदान दिल्ली, 24 फेब्रुवारी: एथलेटिक्स फेडरेशन अफ इन्डिया (एफआइ) नि आफादगिरि आदिल सुमारिवालाआ फेगौ 2036 अलिम्पिक गेम्सआव भारतनिफ्राय एथलेटिक्सनि फोथारआव साबसिनै दिन्थिफुंनयनि मिजिंथि लादों आरु बे फोथारआव बांसिनै मेडेल देरहानोननि बाध्रा बुंदों। सिगांफासै सुमारिवालाआ 2036 अलिम्पिक गेम्सखौ हादरनिफ्राय मोजाडै खुंफुंनो थांखि लानायखौ फोरमायनानै बेनि थाखाय गोखौ थियारि जानायखौ फोरमायो। थांनय बोसोरनि आगस्ट दानआव वर्ल्ड एथलेटिक्सनि लेडाइ आफादगिरि सुमारिवालाआ



पेरिस अलिम्पिकनि उनाव हादरनि दर 200 मिरुफोराव हादरनि गेलेगिरिफोरखौ फोरोंथाय होगोननि बाध्रा बुंदों मोन। लोगोसे नेसनेल केम्पखौ मिरु खालामनानै गेलेगिरिफोरखौ जौगानायव हेफाजाब खालामगोननि खोथा होदों। बेनि थाखाय बिथाड हाबाफोरनि शर्टलिस्ट खालामखानायखौ बेफोरनि

थाखाय गुबुन हादरयारि कचफोरनि सायावबो थियारि खालामनायखौ फोरमायो। आहमेदाबादआव जिल्ला गेजेरारि एथलेटिक्स मीटनि समाव खौरंगिरिनि सोंथिआव बिथाड गावनि माखासे सान्दांथिफोरखौ रोखा खालामदों। 2036 अलिम्पिक गेम्सखौ खुंफुंनो थियारि जानायनि अनगायै एथलेटिक्स

फेडरेशन अफ इन्डियानिफ्राय बे गेम्सनि सायाव थांखि लानायनि सोंथियाव बिथाड गावनि मोन्दांथिखौ रोखा खालामदों। बे सोंथिनि फिन्नायव बिथाड बै समाव बांसिनै एथलेटिक्सनिफ्रायनो मेडेल फेगोननि बाध्रा फोरमायनानै हादरनि गेलेगिरिफोरनि एथलेटिक्सआव थाद'नाय गैयै मोजाडै दिन्थिफुंनयखौ फोरमायो। बे समाव सुमारिवालाआ मोनसे समाव एथलेटिक्सनिफ्राय अलिम्पिक मेडेल देरहानो हायैखौ फोरमायनानै दायो सनानि मेडेल देरहाखानायखौ फोरमायो। सिगां फासै सिडबिलिउजिआव आरु एसियाडआवबो भारतीय

एथलीटफोरनि मोजाडै दिन्थिफुंनयखौ फोरमायनानै वर्ल्ड सेम्पियनसिपआवबो सनानि बान्था देरहानायखौ फोरमायो। लोगोसे जेभलिन थ'नि मुलुगनाडारि टप 6 खुबैग्राफोरनि गेजेराव भारतनिसिम साथाम गेलेगिरिफोर थानायखौ फोरमायो। जायनि थाखाय जानो गोनां 2036 अलिम्पिकनि थांखिजों गावसोरनिफ्राय जेभलिन खुबैनाय, रिंले, जाम्प आरु वाकरेस बायदि हाबाफारिफोरनि शर्टलिस्ट खालामनायखौ फोरमायो। नाडा आरु एफआइनिफ्राय गेलेगिरिफोरनिसिम डपिंनि सोमोन्दै सांग्रा खालामसेयावबो गेलेगिरिफोरनि डपेस्टआव फेलें जानायनि फिनआव बिथाड साख्रि मोन्नांगोननि थांखिजों लाइमोनफोरनि मोजां फरायसालिमाफोराव मुं थिसन्नांगोखौ फोरमायो। बेबादि थासारिआव बिसोरो बेन खालामजानाय मुवाफोरखौ लानायनि थाखाय हजमानायखौ फोरमायो, अन्लाबो गावसोरनिफ्राय डपिंखो अरायथायै फोजोबनो लुबैयो। लोगोसे फेगौ समफोराव हादरआव डपिं केसआ बाडाइसिन जालांगोननि मिजिंथि होयो। केम्पनि समावबो गेलेगिरिफोरनिफ्राय सोरबा सिरिन्ज एबा गुबुन मुलिफोरनि लानायनि सायाव जेब्लायबो नोजोर थागोनखौ फोरमायो।

भारतीय टेबल टेनिस हान्जाफोरा जाग्निमारि महै अलिम्पिकनि थाखाय थियारिआव दड



गोदान दिल्ली, 24 फेब्रुवारी: बुसाननआव जालानाय आइटिएफ वर्ल्ड टेबल टेनिस टीम सेम्पियनसिपआव गावसोरनि प्री-क्वार्टर फाइनल मेचआव जेनायनि जाउनायबो भारतनि होवाफोर आरु आइजोफोरनि हान्जाया जाग्निमारि थिसन्दों। भारतनि टेबल टेनिस हान्जाफोरा जोबथा वर्ल्ड रैंकिंगआव जायगा मोनानै गिबि खेब अलिम्पिकनि थाखाय क्वालिफाइ जाबाय। लोगोसेनो हान्जाफोरा जानो गोनां अलिम्पिकनि थाखायथियारिखौ जागायजेनबाय। बेइजिं 2008 अलिम्पिक गेम्सआव बे इभेन्टखौ जायगा होनारनि उनीनफ्राय गिबि खेब भारतआ टेबल टेनिसआव अलिम्पिकनि टीम इभेन्टनि थाखाय क्वालिफाइ जानो हादों। टीम रैंकिंगनि मावख'यारि फारिआव फेगौ 4 मार्चखालि फोसावजागोन। नाथाय गेलेमुनि समाव फोसावनाय नेमखांथि बादिदैब्ला भारतनि मोननैबो

हान्जाफोरा पेरिस अलिम्पिक 2024 नि थाखाय जायगा आवग्रिनो हाबाय। टेबल टेनिस फेडरेशन अफ इन्डियानि गाहाइ नेहाथारि कमलेश मेहताआ खौरंगिरिनि सोंथियाव भारतनि होवा आरु आइजो हान्जाफोरनि मोजाडै दिन्थिफुंनो हानायखौ गोजोननाय फोरमायो आरु बिसोरनि सायाव गावनि गोगानाय मोननायखौ फोरमायो। अन्लाबो मावख'यारि महै फोसावजानो गोनां समखौ नेनायखौ बिथाड फोरमायो। खेब 10 नेसनेल सेम्पियन जाखांनय शरथ कमलनि दैदेननायव भारतीय होवा हान्जाया मेचखौ सामलायग्रा करियाआव मोनसे गोखौ हान्जाजों 3-0 स्करआव जेनादों। भारतीय आइजोफोरबो मोजाडै दिन्थिफुंनो हादोंब्लाबो जौसिन रैंकिंगनि चीन ताइपेजों 3-1 स्करआव जेनाडो। जायनि फारिआव मुलुगनि नम्बर 10 चें आइ चिं आरु वर्ल्ड नम्बर 41 जु-यु बायदि गेलेगिरिफोरबो दडमोन। टप भारतीय होवा गेलेगिरि ज्ञानशेखरन शाथियानआ मोजाडै दिन्थिफुंनयजों भारतनि होवा आरु आइजो टीमफोरनि मोननैबो केटेगिआव क्वालिफाइ जानायखौ गोजोननाय फोरमायो। लोगोसे बे जाफुंसारनायनि थाखाय टीमनि गेजेराव खुसिनि दोहों फैनयखौ फोरमायो। सिगांफासै बिथाड गावसोरनि बेबादि जाफुंसारनाय समखौ नेगासिनो दडमोन होनानै फोरमायनानै अन्लाबो कथानि थाखाय मावख'यारि महै फोसावनाय नटिसखौ नेनानै थागोनखौ रोखा खालामो। टीमफोरनि जाफुंसारनायनि आन्देआव बिथाड कचफोरजों लोगोसे हेल्पर स्टाफ, फेडरेशन आरु एसएआइनि बिहोमानि सायाव साबायख'र होयो। सरासन्नायै मोन 16 टीमफोरल' अलिम्पिकनि थाखाय क्वालिफाइ जायो। बेबादि थासारिआव भारतनि पेरिसआव मेडेल देरहानाय थारैनो गोब्राव सेलेन्ज जागोन।

इंग्लेण्डनि बेरेखायै रहित शर्माआ फेलें जादों

गोदान दिल्ली, 24 फेब्रुवारी: खेब 5 मेचनि टेस्ट सिरिजनि ब्रैथि मेचआ रान्सिनि झारखन्ड स्टेट क्रिकेट एस'सिएन इन्टरनेसनेल क्रिकेट स्टेडियमआव भारत आरु इंग्लेण्डनि क्रिकेट हान्जानि गेजेराव जानानै थाडो। इंग्लेण्डनि हान्जाया बे मेचनि गिबि इंसिआव 353 रान लादों मोन। नाथाय बे गिदिरि स्करनि फिन्नायव भारतीय हान्जाया मिजिंथिनि बाइजोआव दिन्थिफुंनो हादों। भारतीय हान्जानि केप्टेन रहित शर्मानि उडकेटखौ सिगाडवबो खोमानादों। बेजों लोगोसेनो बिथाड गावनि केरियारआव गात्रियै दिन्थिफुंनयनि सावगारि लाबोदों। रहितआ 2 रान लानायनि उनावनो जेम्स एन्डरसननि आखाइयाव गावनि उडकेटखौ खोमानानै लानादों। बे उडकेट खोमानायजोंनो बिथाड गात्रियै दिन्थिफुंनय रेकर्ड लाखिदों। बे मेचआ रहित शर्मानि इंग्लेण्डनि हेँथायै 8 थि टेस्ट मेच गेलेनायमोन। बेनि सिगां गावनि केरियारआव बिथाड इंग्लेण्डनि हेँथायै बाडइसिन स्करआव आउट जाफेरखेमोन। इंग्लेण्डनि हेँथायै रहितनि बाडइसिन मेचफोरा बेनि सिगां ब्रैथिब्लाबो 5 राननि गोजौआव थाहैदों मोन। 2024 नि गेजेराव बिथाड बिश्वाकापलम टेस्ट मेचआव 13 रान लादों मोन। बेनि सिगां 2021 नि चेन्नाइ टेस्टआव 6 रान आरु बे



जायगानि गुबुन मोनसे टेस्टआवबो 12 रान लादों मोन। मेचनि बाध्रा बुडोब्ला इंग्लेण्डनि हान्जाया टसआव देरहानानै सिगांग्रो बेटि खालामनो थिरांथा लादों मोन। नाथाय इंग्लेण्डनि खावसे गेलेगिरिफोरबो 112 रानआव पेभिलियनसिम फेफिन्नादों। बेनि उनाव जो रुथआ मोनसे मोजां इंसि गेलेनानै हान्जानि स्करखौ 353 रानसिम आवगायहोदों। रुथआ 274 बलआव 122 रान लादों मोन। बे समावनि अलिभार रबिनसनआबो गावनि केरियारि गिबि हाफ सेन्सुरिखौ लाखिदों। बिथाड 96 बलआव 58 रान लादों।

आइपिएलनि सिगांनो सिएसकेनि स्टार गेलेगिरिआ जोखोमआव गोग्लैदों

गोदान दिल्ली, 24 फेब्रुवारी: आइपिएल 2024 नि गिबि खोन्दोनि खेब 21 मेचफोरनि समफारिफोरखौ फोसावबाय। नाथाय बे लीग जागायनायनि सिगांनो चेन्नाइ सुपार किंसिनि हान्जाया मोनसे गिदिरि जेनाजों मोगा-मोगि जानांगोन। जायनि जाउनाव सिएसकेनि हान्जाया आइपिएलआव माखासे जेनायव गोग्लैनोबो हागो। अस्ट्रेलिया आरु निउजिलेण्डनि गेजेराव गेलेनाय खेबथाम मेचनि टी-20 सिरिजनि समाव स्तर बेटसमेन दे धेन कनवेआ जोखोमाव गोग्लैदों। बिथाड थांनय बोसोराव चेन्नाइ सुपार किंसखौ सेम्पियन जाहोनायव गोबां बिहोमा जगायनो हादों मोन। अस्ट्रेलियाननि बेरेखायै नैथि टी-20 मेचनि समाव कनवेआ आगिस आसिआव दुखु मोन्दों। जायनि जाउनाव बिथाड बे सिरिजनि



जोबथा मेचनिफ्राय ओंखारनादों। निउजिलेण्डनि हान्जाया सिरिजनि जोबथा मेचनि थाखाय टीम शोफर्टखौ हान्जायाव सोफानादों। निउजिलेण्डनि हान्जाया बे मेचआव सिगांग्रो बलिं खालामदों मोन। कनवेआ फिलिड खालामबाय थानाय समाव गावनि आगिस आसिआव दुखु मोनो। जायनि जाउनाव बिथाड लाइभ

मेचखौ नागारनानै देहा फाहामसालिआव थांनदों मोन। बेनि उनाव निउजिलेण्ड क्रिकेट बर्डआ मोनसे आपडेट फोसावनां कनवेनि जोखोमनि सायाव एक्सेरे खालामनायखौ फोरमायनानै बे समाव मोनबो प्रेक्सार मोन्नाय जायखै होनानै रोखा खालामो। अस्ट्रेलियानि हान्जाया निउजिलेण्डसिम दावबायनाय

मेचआव गेलेनाय खेबथाम मेचनि टी-20 सिरिजनि सिगां खेबने मेचफोरखौ देरहानानै 2-0 स्करआव आवगायनानै दड। बे मेचआव अस्ट्रेलियानि हान्जाया सिगां बेटि खालामनाय समाव 174 रानआव आवगायदों मोन। बेराफासै बे राननि फिन्नाय निउजिलेण्डआ 102 रानल' लानानै अलआउट जादों मोन।